




TAUSAGA 13



FAKASOLOGA O MATAUPU

VAEGA 1: TE ATUA:

Ulutala 1: Te Atua Tokotasi	5
Ulutala 2: Te Atua Tolu Tasi Tapu	7
Ulutala 3: Te Atua te Tamana	9
Ulutala 4: Te Atua te Tufuga	11

VAEGA 2: IESU KELISO:

Ulutala 5: Iesu ko te Afutasi	13
Ulutala 6: Iesu ko te Auala eiloa	15
Ulutala 7: Iesu ko te Fakaola	17
Ulutala 8: Ko te fakataunuga o valoaga a Pelofeta	18
Ulutala 9: Ne fanau mai ia Malia te Taupou	20
Ulutala 10: Te liutino o Iesu	22
Ulutala 11. Te fakasatauloga o Iesu	24
Ulutala 12. Ko te toetu o Iesu mai te mate	26
Ulutala 13. Ko fanake a Iesu ki te lagi	28
Ulutala 14. Iesu ko nofo i te faitu fakaatamai o te Atua	29
Ulutala 15. Te toe foki mai o Iesu	31
Ulutala 16. Te fakamasinoga	33

VAEGA 3: TE AGAGA TAPU:

Ulutala 17. Te okomaiga te Agaga Tapu i te Aso Penetekoso	35
Ulutala 18: Te Agaga Tapu ko tou Fakatapuga	37
Ulutala 19. Te Agaga Tapu ko te Sui o Iesu	39
Ulutala 20. Te Agaga Tapu te tou fesoasoani	40

VAEGA 4: TE EKALEZIA:

Ulutala 21. Te Ekalesia	42
Ulutala 22. Te Ekalesia faka-Apositolo	44
Ulutala 23. Te Mafutaga a te Kautapu	46
Ulutala 24. Te Malo o te Atua	48

VAEGA 5: PAPTISOGA:

Ulutala 25. Te failoga mo te fakamailogaga o te Fakaolataga	50
Ulutala 26. Te `Kaiga Tapu	52

VAEGA 6: TE MUNA A TE ATUA:

Ulutala 27. Te Tusi Tapu	54
---------------------------------	-----------

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosia a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e lotu koutou ki ei, mo te mea e manako ki ei otou lotu. Kae masaua i te Atua e fakamasino ne ia a koutou. Amene.

Pese: Give me oil in my lamp

Talosaga:

Te motou Tamana, e tapu a tou igoa kae ke fai te mea e lotu koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, Amene.

VAEGA 7: TE OLA E SE GATA MAI:

Ulutala 28. Te fakamagaloga o agasala	56
Ulutala 29. Te ola mai faka-te-agaga	59
Ulutala 30. Te ola e se gata mai	60

VAEGA 8: KO TE FANAU MAI, ULUMANUMALO, MATE MO TE TOETU O IESU

Ulutala 31. Ko Ulumanumalo Iesu ki Ielusalema	62
Ulutala 32. Ko te fakasatauloga o Iesu	63
Ulutala 33. Ko toetu manumalo Iesu mai te mate	65
Ulutala 34. Ko te folafolaga kia Malia	66
Ulutala 35. Ko te folafolaga kia Iosefa	68
Ulutala 36. Ko te folafolaga ki tausi mamoe	70
Ulutala 37. Ko te fanau mai o Iesu	72
Ulutala 38. Ko mealofa a tino poto mai te sopogala	73

VAEGA 9: KO ASO FAKAMANATU

Ulutala 39. Te Aso o te Tala'lei	76
Ulutala 40. Te Aso o 'Matua	77
Ulutala 41. Te Aso o Tamana	79
Ulutala 42. Te Aso o Talavou	80

TUSI AKOGA ASOTAPU MÔ TE TAUSAGA 13 **TUSI MÔ FAIAKOGA**

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamasani mô te kalikulamu fou tela ne faigina ne tena 'Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o 'tou mataupu mô te fagaiga o agaga o fanau gasolo o 'tou Ekalesia kae maise 'tou Atufenua. Te feitu tãua e 'se ko te tauloto fua mai loto i te tusi tenei, kae ko te fakaaogaga o te Tusi-tapu, faitau faka'lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosì e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana meaalofa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masaua ne koulua faiakoga me tafasili atu a te mafa te taa fakamasinoga ilo niisi (Iakopo 3:1)

Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Fuaiupu Tauloto: 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

Pese: Head, Shoulders, Knees and Toes

Talosaga:

Te Alikì, fesoasoani mai kia matou fanau kote mea kote mea kafei matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

ULUTALA 42: TE ASO O TALAVOU

Pogai: Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaigina kae ke fakatauagina.

Tusi Faitau: Failauga 11:9-10:1

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Tamana. Te tamana ko ia kote takitaki. Ese gata fua aia se takitaki tela e 'tau o 'taki ne ia ana fanau iluga i tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kiai te Atua. E uke kii a tusaga ote tamana lei tela e tasi mai iei tela ka tauloto ne taua fanau ite taimi nei me ko ia tela e 'taki ne ia taua fanau kite ola ese gatamai. Ite tusi ko 2 Petelu 2:5 e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite vaka ko tena uiga ne fai te tiute o te tamana tenei kote mea sose tino ioto i tena kaiga ke sao mai te fakasalaga tela kote lolo. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite vaka, kae ne seki fakatamala a Noa i ona tiute. E tena te tiute o sose tamana, a ia kote fakasino ala ko ia foki e fakamalosi i sose auala kite mea loa e mafai ne ia kote mea ko sose tino i lalo i tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

Mea Akoga mo fakamaina te mataupu:

Ata ote vaka o Noa

Ata o Iesu

Fakatomuaga:

Fesili ki tamaliki me sea te mealofa a ia ki tena tamana kite aso o tamana.

Akoakoga:

Ko akoako mai nete muna ate Atua me ia taua tamana ko takitaki iloto i kaiga tela se tiute o koe kite fakamalosi ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote lolo te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

Mea fai a Tamaliki:

Kilokilo fakalei kite ata otou tamana

Tusi ki lalo a mea lei mo mea gali ne fai ne ia mo koe

MANATU FAKAVAE: TE EKALLESIA MO ANA AKOAKOGA – TE TAKU TONUGA A TE EKALLESIA KELISIANO TUVALU

Au e talitonu ki te Atua e tokotasi. Ko te Atua Tolutasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e fakatuanaki ki ei te kau Kelisiano katoa.

Au e talitonu ki te Atua te Tamana, tela ne faite ne ia a mea katoa i te lagi mo te lalolagi, tela ne liutino tagata mai ia Iesu Keliso, tela ko Ia te pogai o te 'lei mo te tonu katoatoa.

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino 'mate.

Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te mealofa tela ne oko mai i te Aso Penetekoso, tela ko tou fesoasoani i aso katoa.

Au e talitonu ki te Ekalesia Tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kautapu. Au e talitonu ki te Malo e tasi o te Atua; te Papatisoga e tasi; Te 'Kaiga Tapu e tasi; te Tusi Tapu e tasi – ko te Muna a te Atua; te fakamagaloga o agasala; te ola mai faka-te-agaga; mo te Ola e se gata mai, amene.

VAEGA 1: TE ATUA

ULUTALA 1: Te Atua Tokotasi

Pogai:

Ke akoako a tama'liki ke iloa ne latou a te talitonuga o te Ekalesia Kelisiano Tuvalu e uiga ki te Atua Tokotasi.

Te Talitonuga:

Au e talitonu ki te Atua e tokotasi, ko te Atua Tolu-tasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e tapuaki ki ei a te kau Kelisiano katoa. Au e talitonu ki te Atua te Tamana, tela ne faite ne Ia a mea katoa i lagi mo te lalolagi, tela ne liutino tagata mai ia Iesu Keliso, tela ko te pogai o te 'lei mo te tonu ka-toatoa.

Fakatokaga mo Faiakoga:

A te talitonuga o te Ekalesia Kelisiano Tuvalu ki te Atua Tokotasi ne fakavae mai i te talitonuga o tino Isalaelu ki te Atua te Aliko (Yaweh).

A te fenua o Isalaelu e fakatamilo ne fenua mo malo 'lasi mo malo fo'liki a ko tino i ei e tapuaki ki Atua kese'kese. Tena te pogai ko fakamailoga i ei te fakatuanaki o Isalalelu ki te olotou Atua me ko Ia e iloa "te Atua Tokotasi", kae e seai ake foki se isi Atua i ona tafa. I tusitusiga i te Peneti-tiuka (Teu.4:39; 6:4; 32:39) e fakailoa mai i ei i te Atua e tokotasi e iloa ko te Atua tela ko Ia loa ko te Aliko. E seai ake loa se isi Aliko, se malosio, se pule i te lalolagi katoa loa e pule i te fakaIkuga o tonu e uiga mo te lalolagi, pela foki mo mea katoa i ei. A te Atua te Aliko ko Ia fua e tau o ave ki ei te ava, te fakalogo mo te fakaaloalo. A Ia ko te Aliko e pule i te manuia o te lalolagi, kae e seai e maua ne ia o ave keatea a te tulaga tena mai i a ia. E seai se atua io mese atua faite e tau o fakapaupau mo ia, me i a ia ko te Atua te Aliko tela e tau o tapuaki a tino katoa ki a ia. I tusi tala a te kau Epelu (2Samu.7:22; 1N/Tupu17:20; Isa.43:10; 44:6; 45:18 fakatasi i ei mo Sala.83:18; 86:10) e fakapatonu ne latou i te Atua te Aliko ko ia loa ko te Atua Tokotasi tela e molimaugiga ne Isalalelu, me tena te pogai ne filigina kae ne kalagina i ei a Isalaelu ne te Atua (Isa.43:10). A te Atua te Aliko ko ia loa tokotasi ko te Aliko o te kamataga, te fakaaotiga, te fakaola tela ne fakasao ne ia a Isalalelu i aso ko teka, mo aso nei pela foki mo aso mai mua.

I te Feagaiga Fou (Male.12:29; 1Kol.8:4; Efe.4:6; 1Tim.2:5) a te Aliko ko Ia loa ko te Atua e tokotasi, tela e tau mo tino katoa o alofa ki a Ia mo olotou loto katoa, olotou agaga katoa, mo olotou malosio katoa. Mai i luga i fakatuanaki o Isalalelu ki tona Atua, ko mafai i ei ne te Ekalesia Kelisiano Tuvalu o fakataua te Atua Tolutasi Tapu me ko Ia tokotasi ko te Atua tela e tau o fakalogo, ava, tapuaki kae fakaaloalo ki ei me e kese mo atua o tino faivailakau, fakataulaitu mo tino fai sai mo tapune.

Fakatomuaga:

Fesili ki tamaliki taki tokotasi me se a a tena meaalofa ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malosio (f.17); e kaimalie ki tino mativa mo tino fakaalofa (f.20); kae ava ki te Aliko (f.30). A te aso fiafia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Mea fai a Tamaliki:

Kilokilo fakalei ki te ata o tou matua

Tusi ki lalao a mea gali kae lei ne fai ne ia mo koe

Tusi foki a mea kola i tau fakatau e se lei ei a tona olaga

Fuaiupu Tauloto:

Fataoto 31:30 "A te gali e fakase tino, pela foki te matagali e mafai fua o matafi, ka ko te fafine tela e fakaava ki te Aliko e tau o tavae-gina."

Pese: Fili mai te tusi pese

Talosaga:

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, amene.

ULUTALA 41: TE ASO O TAMANA

Pogai: Ke akoako a tamaliki me e tasi o tiute ote tamana ko ia tela e t'aki ne ia taua fanau kite ola se gata mai.

Tusi Faitau: Kenese 6:1—7:24; 2 Petelu 2:5

Fakatokaga mo Faiakoga:

Te Aso o Tamana ne fakatu mo fakamailoga te taua o te tulaga o te

Iesu. Fakamanuia au tavini kola e feagai mo faigataga ona ko te folafolaga o tau Tala Lei, amene.

ULUTALA 40: TE ASO O MATUA

Pogai: Fakamatala ki tamaliki ke maina lei i te Aso o Matua e fakamasaua i ei a tusaga lasi kola e fai ne matua mo latou, mo te kaiga e pela foki mo tulaga kesekese o te olaga.

Tusi Faitau: Fataoto 31:10-31

Fakatokaga mo Faiakoga:

Te Aso Fiafia o Matua e fakamailoga i ei te tulaga mo te tusaga o matua i loto i Tuvalu ona ko te taua o tusaga e panaki mo latou kamata mai i te fale, te kaiga mo fanau, te Ekalesia, te fenua i Fale-Kaupule mo fakapotopotoga a fafine mo tulaga kesekese i te malo mo te olaga faka Tuvalu. Ne talia ne te Fono Lasi i te 1986 ke fakamailoga te Aso Tapu o Matua i te toe Aso Tapu o Iulai. Ne filigina ne fafine a te aso tenei e fakamanatu foki ei te Mafutaga a Fafine o te Ekalesia Kelisi ano Tuvalu. A fiafiaga o te Aso o Matua e tala loa ki tapuakiga i te Aso Tapu tena i te lotu taeao mo te afiafi kola e fakatoka kae takitaki ne fafine. E tenei te taimi tela e uke a meaalofa e fakatoka ne tamaliki ma olotou matua, e fakatino i ei te fakafetai a latou mo te tausiga alofa a te matua ki a latou. A tagata i te aso tenei e kuka kae fakatoka a meakai mo fakagaligali te Aso o Matua. A fakafiafiaga e fakasoko ki taupese mo koniseti i te po mo fakaala, fatele mo siva i te Aso Gafua.

Ko fakataua malosia a te tusaga faka-matua i loto i te Fenua, Ekalesia, mo te Malo; kae fakasilisili ko tusaga faka-matua tela e panaki mo te tausi, akoako, mo te putiputiake o tamaliki. Te tusaga faka-matua tena i loto i Tuvalu e se mafai o fakanafagina io me faka-tapulagina. E se gata fua i kona a tusaga o matua, kae i loto i te olaga saukatoa e lasi te tusaga fesoasoani e fai ne latou.

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

Mea akoga mo fakamaina ei a te mataupu:

Ke Lomi se ata ote Atua loa e tokotasi

Fakatomuaga:

E mata e iloa ne koutou tamaliki me tokotasi pau loa te Atua tonu kae se lua se tolu io me uke atu?

Akoakoga:

A te Atua Tolutasi Tapu ko te Atua loa e Tokotasi kae e seai ake foki se isi atua. E tau mo tatou o alofa ki ei mo tou loto katoa, mo tou agaga katoa, mo tou malosia katoa. E tau foki a tatou o tapuaki, fakalogo, ava, fakaaloalo kae tautua ki ei mo te fakamaoni.

Fuaiupu Tauloto:

Au e talitonu ki te Atua e tokotasi, ko te Atua Tolutasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e tapuaki ki ei a te kau-Kelisiano katoa.

Pese: There is only One God/ There is only one King io me fili mai te tusi pese

Talosaga:

Te Atua te motou tamana tela i te lagi. E akai atu ko te mea ko koe ke alofa kiluga i omotou fanau ko te mea ke iloa kae ke talitonu `patonu me ko koe fua e tokotasi kae seai aka ake i ou tafa, I te igoa o Iesu Keliso, Amene.

ULUTALA 2: Te Atua Tolutasi Tapu

Pogai:

Ke fakamaina faka'lei ki tama'liki te talitonuga o te Ekalesia Kelisiano Tuvalu ki te Atua Tolutasi Tapu.

Te Talitonuga:

Au e talitonu ki te Atua e tokotasi, ko te Atua Tolu-tasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e tapuaki ki ei a te kau Kelisiano katoa. Au e talitonu ki te Atua te Tamana, tela ne faite ne Ia a mea katoa i lagi mo te lalolagi, tela ne liutino tagata mai ia Iesu Keliso, tela ko te pogai o te 'lei mo te tonu katoa.

Fakatokaga mo Faiakoga:

Te Ekalesia Kelisiano Tuvalu e talitonu katoatoa ki Atua Tolu Tasi Tapu, te Tamana, te Tama mo te Agaga Tapu. Te muna "Tolutasi Tapu" e fakamaina i ei te talitonuga Kelisiano e uiga ki te Atua e tokotasi i loto i te mafutaga o Pelesona o ia e tolu, kola ko te Tamana, te Tama mo te Agaga Tapu. A te muna "Tolutasi Tapu" e se maua i te Tusi Tapu kae ko te tamana ko Tertullian (A.D. 145-220) ne kamata fakaaoga ne ia te muna "Tolutasi Tapu" i ana akoakoga e uiga ki te Atua.

E tolu a faitu 'lasi ka kilo a tatou ki ei e uiga mo te Tolutasi Tapu kola e fakavae ki fakamuna konei: Te vaega muamua e fakavae ki te *'fakalogo muna o te Tama ki te Tamana'* e.g. (Lom.8:31-34; 1Kol.11:3; 15:20-28; 2Kol.4:4-6). I loto e iloa o te vaega tenei e lavea i ei te *'tasi o te Atua mo te Tama'* (Mat.11:27; Ioa.10:30; 14:9-11; 20:28; Kol.2:9; 1Ioa.5:20). A te tasi o te Tamana mo te Tama tela e lagomalo ki te fakatulagaga o te mataupu ki te Tolutasi Tapu. Te lua o vaega e fakavae ki *'te pili o te va o Iesu mo te Agaga Tapu'*. I te Feagaiga Mua a te Agaga Tapu (te Agaga o te Atua) ko te auala e fakaasi i ei a te malosi o te Atua, pela foki mo te fakatasiga a te Atua ki tino takitokotasi io me ki tino e tokouke. I te Feagaiga Fou a te Agaga Tapu ne fanaifo ki a Iesu i te otiga ne papatiso (Luk.3:22); ne maua ne Iesu i te okoga ki te faitu fakaatamai o te Atua (Gal.2:33) ne atagia foki i galuega a te Agaga (Lom.8:26-27, 34; Ioa.14) kae fakatusatusa ki fakamunaga konei: te Agaga o Keliso, te Agaga o te Aliiki, te Agaga o Iesu pela foki ia Kalatia (4:6) ne uga mai ne te Atua te Agaga o te Tama. I te Feagaiga Fou te Agaga Tapu ne vau o sui ne Ia te Atua mo ana mea fai pela foki mo te faka'soko ne Ia a te mafutaga a Iesu mo te Ekalesia.

I te vaega fakaoti tenei ko te molimau ki Pelesona e tolu o te Tolutasi Tapu i loto i faigamea e tasi e pela mo te molimau a Tusi Tapu. I loto i muna fakaoti a te Kau-Apositolo 2 Koli.13:13 (e tenei loa te molimau muamua e uiga mo te Tolutasi Tapu), te fakamunaga o te faiga o te papatisoga i a Mat 28:19 kae ne tauave loa i loto i talaiga o te Tala 'Lei ia Galuega 2:38 pena foki mo 1 Koli.12:4-6; Efe.4:4-6; 1Pet.1:2; Iuta.20-21.

Mea akoga mo fakamaina ei a te mataupu:

Fakamaina te pese: There is only One God/ There is only One King

foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Fakatomuaga:

Fesili ki tamaliki me kaia e se fiafia ei a latou ki lotu mo te akoga i Aso Tapu?

Akoakoga:

Te Tala Lei a Iesu ne fuli ne ia a olaga o tino i Tuvalu ke lei. I aso taumua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosi

Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

Pese: Fili mai tusi pese

Talosaga: Te Atua Tafasili i te Malosi, fakafetai mo olaga o au tav-iniloto lasi kola ne kufaki ne latou a vasa mo afa kae ne fakasao ne koe ko te mea ke maua ne matou a te Tala Lei o te Fakaolataga i a

a te asofanau. A te fanau mai o Iesu se meaalofo tena a te Atua te Tamana mô tatou tino katoa, ne tuku mai tena ola ke mate a ia mô 'tou agasala ke fakamagalogina. Seâ la nei a 'tou tali ka tali atu ki te alofa o Iesu mo tena Tamana? Tamaliki, ke tuku atu foki a 'tou ola mo 'tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

Mea fai a tamaliki:

· 'Kala a te ata #57

Faifesili ki fesili e autu tonu loa mo te 'tala a tatou i te taeao nei.

Pese: Tuku tau Meaalofa mo te Aliko....

Fuaiupu Tauloto: Mataio 2:6 "A koe foki e Petelema i te fenua o Iuta, ka sili atu tou taulia i Aliko o Iuta; me e tupu mai ia koe se takitaki tela ka pule ne ia toku fenua ko Isalaelu."

Talosaga:

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fiafia matou o 'sala faeloa ki a koe i omotou olaga, kae maise, ke fiafia foki matou o ôla mô koe. Amene.

ULUTALA 39: TE ASO OTE TALA 'LEI

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

Fakatokaga mo Faiakoga:

Te Aso Fiafia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu.

Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei

Fakatomuaga:

E mata e iloa ne koulua tamaliki me tokotasi pau loa te Atua kae se uke.

Akoakoga:

A te Atua Tolutasi Tapu ko Ia loa te Atua tokotasi kae e lavea i vaega e tolu konei, te Tamana, te Tama mo te Agaga Tapu. Te fakaasiga tenei ki te Atua ko sili sala kese ei a ia mo Atua o fenua katoa, e se gata fua i kona, kae ko lavea foki i konei a tona malosia fakafoofogia tela ne faite ne Ia ki ei a te ola mai i loto i numi, poko mo te pouli-tagataga i te faitega ne Ia te lalolagi.

Fuaiupu Tauloto:

Au e talitonu ki te Atua e tokotasi, *ko te Atua Tolu-tasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e tapuaki ki ei a te kau-Kelisiano katoa.*

Pese: There is only One God/ There is only one King io me fili mai te tusi pese

Talosaga:

Te Atua te motou tamana tela I te lagi. E akai atu kote mea ke alofa koe ki omotou fanau ke fakavae olotou talitonu kia koe fua tokotasi, ite igoa o te motou Aliko e tinoga atu ei matou nei, Amene.

ULUTALA 3: Te Atua te Tamana

Pogai:

Ke akoako a tama'liki ke iloa ne latou, me i te Atua ko te Tamana faka-te-lagi o tino katoa kae ko Ia foki e iloa tokotasi ko te Atua.

Te Talitonuga: Au e talitonu ki te Atua e tokotasi, ko te Atua Tolutasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e tapuaki ki ei a te kau Kelisiano katoa. *Au e talitonu ki te Atua te Tamana,* tela ne faite ne Ia a mea katoa i lagi mo te lalolagi, tela ne liutino tagata mai ia Iesu Keliso, tela ko te pogai o te 'lei mo te tonu katoatoa.

Fakatokaga mo Faiakoga:

E masani a tino ki fenua ki te Sopogala o taku ne latou a olotou atua me ko olotou tamana, e tenei foki te ata i te olaga o tino Isalaelu kae ko te

tulaga fua faka-Tamana o te Atua e se pau mo te tulaga o tou tamana faka-te-foitino (Eso.4:22-23; Hos.11:1-4). Te tulaga o te Atua me ko Tamana ne fakaaoga i te Feagaiga Mua o fakaasi ana faiga mo ana galuega e fai ki fenua mo malo kae e se ki tino takitokotasi (Teu.32:6; Isa.63:16). A faiga a te Atua konei e fakaasi i ei a tona malosia atu i nisi atua pela foki mo tona alofa mo tona aga'lei. Ne fakaaoga mo fakamailoga a tona tulaga pela me se tino "tausii" io me se "Fakaola" o te fanauga a Isalaelu (Eso.3:6).

I te Feagaiga Fou e se lasi te fakaaoga o te tulaga tenei o te Atua, vagona i ei a Iakopo (1:17) tela e fakauiga ki Tamana o te mainaga. Ko Iesu i ana faipatiga mo ana akoakoga e fakamaina faka'lei loa i ei te tulaga tenei o te Atua ko te Tamana. Ki a Iesu, a te Atua ko te Tamana ko te tulaga tapu loa tena o te Atua. Ne seki avake fua ne Ia te manatu faka-Iutaia i te Atua ko tou Tamana (Mat.545) kae ko te tulaga o te Atua i loto i te kaiga "Abba" (Mal.14:36; Lom.8:15; Kal.4:6). Ko tino kola e taku ne latou i te Atua ko te Tamana e fakapatonu ne latou te taua o te fakalogo mo te fakamaoni ki a Ia (Mat.7:21; 26:42), a latou ko tavini a te Atua, kae e galue a te Atua i loto ia latou (Mat.11:25-27; Ioa.10:32), kae ko fai foki a latou mo fanau a Ia (Lom.8:16-17).

Mea akoga mo fakamaina ei a te mataupu:

Ata o tamana

Fakatomuaga:

Tama'liki, a tatou e tofua katoa mo tamana, kae ko te Atua ko Ia ko te Tamana o tino katoa konei e ola i te lalolagi.

Akoakoga:

E fakaasi mai ki a tatou e auala i te tulaga tapu o te Atua te Tamana me e alofa kae atafai mai ki a tatou. Ko tau i ei mo tatou o faka'logo mo tou loto katoatoa, ava kae alofa tonu ki a Ia e pela mo te fakaaloalo ne tatou a tou tamana i te olaga nei.

Mea fai a Tama'liki:

Fai fesili, fai te role play,

Fuaiupu Tauloto:

Au e talitonu ki te Atua te Tamana, tela ne faite ne Ia a mea katoa i te lagi mo te lalolagi, tela ne liutino tagata mai ia Iesu Keliso, tela ko te

fakatea me e 'se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofa (2:11) ne tuku ki a Iesu, ko tuku taumate ei me tokotolu a tino Po-to mai te Sopogala, ka ko latou kona ne tupu e pela mo te moli-mau a Isaia (60:3).

Lesona:

I te vaitaimi tenei, ko taimi o te tupu ko Helota. Ne logo te tupu ite Keliso ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu. A Helota ne vau ite gafa o Esau, tela e fai fili mo tekau Iu-taia. Ko pilipili ki te oti o tena nofoaiga, kae ne malaga mai iei a tino poto mai ite Sopogala o sala ate Tupu ote kau Iutaia. Ona ko te tulaga atamai o latou, tela e filifiligina sale faeloa latou ke ola o faipati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

Mea a'koga mo fakamaina ei a te mataupu:

· Ata #57

Niisi ata mafai e isi

Fakatomuaga:

Kaiã e ave saale ei a meaalofa a tino ki pepe io me ko taimi o asofanau?

Akoakoga:

A tagata poto konei mai i te sopoga'la ne faimalaga mai o 'sala, o faimeaalofa kae o tapuaki ki te Aliko, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali-tonu ko latou ke oko ki te fale e fanau ei a te Aliko. E 'pau e iloa mo tatou i aso nei, e lavea ne tatou a tino e fai meaalofa saale foki ki tamaliki foliki mo tino kola ko fai olotou asofanau, mea nei ne fakaasiga katoa o te alofa mo te amanaia ne tatou a te tino tela io ia

maulalo. Fesoasoani mai ke mafai ne matou o ola i loto i tou finalo. Amene.

ULUTALA 38 KO MEALOFA A TINO POTO MAI I TE SOPOGALA.

Pogai: Ke fakamaina ki tamaliki, me i te fai mealofoa ki te pepe ko Iesu, se faifaiga e fakamalosi ne ia a te fai mealofoa o tatou ki te Atua.

Tusi Faitau: Mataio 2:1-12

Fakatokāga mô Faia'koga:

Peteleema (te Fale o Falaoa) se fakai foliki tela e lima maila ki te feitu ki Saute o Ielusalema, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fanau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko 'te tupu o tino Iutaia' i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Faletapu i Ielusalema tela ne kamata i te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C.-A.D.39) tela ne feagai mo Ioane te Papaptiso mo Iesu (Mata.14:1-12; Male.6: 14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafai ki a Helotia tela e fakatamana ki a ia, kae avaga mo tena taina ko Helotia tela e ma-tua kesekese laua. Ona ko tena manakoga tena, ne mavae ei a ia mo tena avaga, kae avaga mo Helotia. A Ioane te Papatiso ne fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Luka.3:19-20; 9:7-9). Ko Helota foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni 'Magi' e fakauiga ki tino

fakataulaitu; kae i a Mataio (2:1) e fai mene aumai mai te Sopogala kola ko fenua faka Alapi mo Mesopotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua

pogai o te 'lei mo te tonu katoatoa.

Pese: Fili mai te tusi pese

Talosaga:

Te Atua te motou Tamana tela i te lagi, fakafetai matou ia koe ko te motou Tamana tela ko mafai i ei o gali omotou olaga. Fesoasoani mai ke iloa ne matou ia koe ko te Tamana tela e fonu i te alofa, kae ke talia ne matou koe ki loto i omotou olaga. Amene.

ULUTALA 4: Te Atua te Tufuga

Pogai:

Ke fakamaina ki tama'liki, ke iloa ne latou me i te Atua ko te Tufuga o te lagi mo te lalolagi.

Te talitonuga:

Au e talitonu ki te Atua e tokotasi, ko te Atua Tolu-tasi Tapu, ko te Tamana, te Tama mo te Agaga Tapu. E tasi kae ne fakaasi mai i auala e tolu, tela e tapuaki ki ei a te kau Kelisiano katoa. Au e talitonu ki te Atua te Tamana, *tela ne faite ne Ia a mea katoa i te lagi mo te lalolagi*, tela ne liutino tagata mai ia Iesu Keliso, tela ko te pogai o te 'lei mo te tonu katoatoa.

Fakatokaga mo Faiakoga:

A te talitonuga o te Ekalesia Kelisiano Tuvalu e talitonu i te Atua ko te Tufuga tela ne faite ne Ia te lagi mo te lalolagi mo mea katoa i ei.

A te Tufuga tela ne faite ne ia te lagi mo te lalolagi ko te Atua (Ken.1-2). E seai se mea ne tupu fakafuasei, kae ne palani katoa ne te Tufuga. Ko mea katoa konei ne faite, e gali kae 'lei katoa. Te Atua ko Ia foki ko te Tufuga o te tagata, tela ne tuku ne Ia ke pule i ana mea katoa ne faite. A te Tufuga ne fakatonu atu, ko te mea loa ko tu mai io me ko tupu ake a mea kola ne fakatonugina ne te Atua. Ne fakatonu a te Atua ko te mea loa ko isi se mainaga, te ao mo te po, ko lakau, ko manueva mo manu o te laukele, ko ika mo mea ola katoa. Te fakatuanaki o Isalaelu ki te Atua e lavea i te talitonu o latou ki te galuega faka-tufuga a te Atua ne fai, kola ne fakapogai fakapitoa kotoa mo tusaga kola e tau o fai ne latou.

A te Tusi Tapu e molimai foki ki tusaga o te Agaga Tapu i faitega o te lalolagi mo mea katoa (Ken.1:2; Iop.26:13; 33:4; Sal.104:30) A Iesu foki ne fai foki a tona tusaga i te faitega o te lalolagi (Ioa.1:3; 1Kol.8:6; Kolo.1:16; Epe.1:1-2). Ko lave i kona a te Tolutasi Tapu ko te Tufuga ne faite ne Ia te lagi mo te lalolagi mo mea ola katoa, ne faite ne Ia a tino, ko tala tukufakasolopito o Isalalelu, ne faite ne Ia a Isalaelu ke fai mo malo, te Fakaolataga mo te alofa. Mai i te ata tena ko lavea i ei ne tatou te fakavaega o te talitonu o te Ekalesia Kelisiano Tuvalu.

Mea akoga mo fakamaina ei a te mataupu:

Ata o mea ola katoa kola ne faite ne te Atua.

Fakatomuaga:

E isi ne tufuga e iloa ne koutou? Ne a olotou mea e faite? Nei, ke fakalogo'logo tatou ki te tala o te Tufuga o te lagi mo te lalolagi, tela ko te Atua.

Akoakoga:

Tama'liki, ko oti ne fakalogo'logo, kae lavea foki ne tatou i ata konei, a mea ne faite ne te Atua, tela ko iloa i ei ne tatou me i te Atua, ko Ia ko te Tufuga o te lagi mo te lalolagi. E lavea ne tatou foki ki tou mata a mea konei e ola, kae fesili tatou me ko oi ne faite ne ia mea konei, io me ko oi ne fakatu ne ia mea konei, lakau, tai, fenua, mea valevale konei e lavea ne tatou. E fakafoofogia a mea konei, kae ke masaua, me i saianitisi i aso nei, ko fai mai me e isi ne mafuaga o mea konei. E fai olotou poto kae sukesuke 'loto ki ei ko mea ke tonu olotou mau. Kae tenei e fakamaonia mai ne te tusi tapu, me i mea katoa, e isi se tufuga tela ne faite kae fakamafua ne ia.... Ko Te Atua e iloa kae e seai aka foki. Tela la, tama'liki, ke tali'tonu koutou ki te Atua, tela ko Ia ko te Tufuga o te lagi mo te lalolagi. Faitalia me ne a nisi poto mo sukesukega a tino poto konei ko fai mai ki a tatou me ko latou ne maua i ei a mafuaga o mea ne faite, ke masaua, me i tino ne faite foki ne te Atua, tela la, e seai aka foki, na ko te Atua tafasili i te Maluga, ko Ia ko te Tufuga o te lagi mo te lalolagi.

(Te Atua ko te Tufuga o mea katoa kola ne faite, ko Ia foki ko te Tufuga o te ola, fakatuanaki mo te Fakaolataga. E seai loa se isi malosi ne mafai ne Ia o faite a mea katoa konei, vagana i ei ko te Atua Tafasili i te Malosi tela ko te Tufuga. E tenei a te talitonuga o te Ekalesia Kelisiano Tuvalu e uiga ki te mataupu tenei).

Ko te fakataunuga o te valoaga nefai ne te pelofeta ko Mika 5:2 Muna ate Alike "Peteleema Efalata, a koe se fakai e tasi mai fakai foliki e iloa o Iuta, kae ka avaka ne au mai i a koe se pule mo Isalaelu, ko tena gafa e vau mai aso mua e iloa." I te okomaiga ki Peteleema, ko fonu te fale talimalo, kae ko seai se koga

Mea a'koga mo fakamaina ei a te mataupu:

Ata #54

Fakatomuaga: Kai isi aka loa se tamaliki i Tuvalu nei ne fanau i lotu i se pamoā, pa-taki io me se saipuaka?

Akoakoga:

A te fanau mai o se pepe ki lotu i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koutou ko te fa-gu susu mo niisi mea aka foki. Amutia tatou kola ne fanau i te fa-kaimasaki io me i lotu i se fale gali kae mafanafana, kae fai mai a te Tusi tapu, me ia Iesu ne fanau fua i lotu i te fale e tasi ei a manu pela mo pulumakau mo kouti mo mamoe, ona me ko seai se avanoaga mo latou i lotu i fale talimalo. Tamaliki, a te fanau mai o Iesu i lotu i te fale manu se fakaasiga o te auāla o te lotu maulalo kae se ko te fia-maluga mo te fiasili. Tela la, ke fakaakoako tatou ki te Alike ke ola tatou i se olaga lotu maulalo mo te alofa.

Mea fai a Tamaliki:

'Kala a te ata #54.

Fai a fesili mo atili fakamaina ei a te tala o te taeao nei.

Pese: "Ko fanau mai te pepe...."

Fuaiupu Tauloto: Mataio 5:5 "Amutia a latou kola e lotu malalo me fai ma latou a folafolaga a te Atua."

Talosaga:

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te lotu

Pese: “Ko fanau mai a te pepe”

Fuaiupu Tauloto: Mataio 5:5 “Amutia a latou kola e loto malalo me fai ma latou a folafolaga a te Atua”

Talosaga:

Te Atua te motou Tamana alofa, fafetai mo te fakaasi mai ne koe se ata fakaakoako kia matou, ko te mea ke ola matou i te loto maulalo. Fesoasoani mai ke mafia ne matou o ola iloto I tou finagalo, Amene.

ULUTALA 37 KO TE FANAU MAI O IESU

Pogai: Ke akoako a tamaliki ke māina i te `tala o te fanau mai o Iesu.

Tusi Faitau: Luka 2:1-7

Fakatokāga mô Faia’koga:

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fuafuaga, mo tena palani fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). “ ... fakamoe i te tali fagai manu, me ko seai se koga mo latou i te faletalimalo” te ata o te tavini loto malalo kae `e se kai filifili’ me seai i a ia te loto fia sili kae ko te loto alofa mo tino Katoa.

Lesona:

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu foki e iloa ne fanau iei a Malia.

Mea fai a Tama’liki:

Onoono i ata (vitio) o mea a te Atua ne faite.

Fuaiupu Tauloto: Au e talitonu ki te Atua te Tamana, *tela ne faite ne Ia a mea katoa i te lagi mo te lalolagi*, tela ne liutino tagata mai ia Iesu Keliso, tela ko te pogai o te `lei mo te tonu katoatoa. (Kenese 1:1–2: “I te kamataga o te faitega ne te Atua a te lagi mo te lalolagi, a te lalolagi e seki ai. A te vai tela e ufi ei mea katoa e pouli tagataga, ka ko te `mana o te Atua e fano i luga i te vai”).

Pese: Fili mai te tusi pese

Talosaga:

Te Atua te tufuga o te lagi mo te lalolagi, fakafetai mo tou alofa. Fakafetai foki mo te fakafoofogia o mea ne faite ne koe. Fesoasoani mai ki a matou tama’liki, ke tumau matou i te talitonu me ko koe fua ko te tufuga kae seai aka foki. Amene.

VAEGA 2: IESU KELISO

ULUTALA 5: Iesu ko te Afutasi

Pogai:

Ke akoako a tama’liki ke iloa ne latou me ia Iesu, ko te Fuatasi e iloa e tokotasi a te Atua.

Talitonuga:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapuagatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino `mate.

Fakatokaga mo Faiakoga:

A te Ekalesia Kelisiano e fakavae a tena talitonuga ki a Iesu ko te Afutasi io me ko te Tama e iloa e Tokotasi a te Atua.

A te fakamunaga ki te "Afutasi" io me ko te "Tama eiloa e Tokotasi" a te Atua e se fakauiga ki te aofaki o tama'liki a te Atua, kae ne fakamuna penei ke fakaasi i ei a te lasi o te alofa o te Atua mo tino o te lalolagi tenei, i te tuku mai ne Ia a tena tama eiloa e tokotasi mo fai te taulaga fakaola o latou mai i olotou 'sega mo agasala (Ioa.3:16, 18; 1Ioa.4:9; Epe.11:17). Te faifaiga tenei ne fai ne te Atua mo te lalolagi, i tona alofa mo tona lotomalie ke tuku mai a tona tama loa e tokotasi mo fakaola a tino katoa, se faifaiga tafasili i te 'mafa kae faigata.

I te Feagaiga Mua, ne lavea a te faifaiga penei e auala i te fakalogo muna mo te fakatuanaki o Apelamo ki te Atua (Ken 22:1-19). I te sua faitu, a te Atua ne seki fakalogo ki ona lagona kae ne fakalogo ki tona loto alofa mo tino katoa, ke tuku a tena Tama eiloa e tokotasi mo fakaola a te lalolagi agasala.

Mea akoga mo fakamaina ei a te mataupu:

Ata o te papatisoga o Iesu.

Fakatomuaga: E isi se tamaliki e takotasi eiloa a ia i tena tamana mo tena matua, seai ne ana taina mo ne ana tuagaene?

Akoakoga:

E isi ne tama'liki, e seai eiloa sena taina, tuagaene. Ko tena uiga, ko ia eiloa tokotasi i tena tamana mo tena matua. Ia kae e masani foki eiloa o fakapelepele ne ana matua ona me i a ia e tokotasi fua. Ia, mai i te tala, e fakaasi mai a te takutonuga a te Atua e auala i te lupe i te taimi ne papatiso i ei a Iesu i te vai o Iolitana. Ne fai mai te leo "Ko taku tama pele eiloa e tokotasi tena e fagasele ne au." Ko fakaasi mai me e tokotasi eiloa te Tama a te Atua, tela ko Iesu. A Ia ne vau, liutino tagata eiloa penei mo tatou, ko te mea ke fakaasi mai ne Ia te loto o Tena Tamana. Tela la, tama'liki, ke masaua ne tatou me ia Iesu ko te tama eiloa e tokotasi a te Atua. Tela la, ke talia katoatoa ne tatou Iesu ki tou olaga, kae ka taku foki tatou ko fanau atafai a te Atua.

Mea fai a Tama'liki:

Fai Fesili, vae ki potukau o sautala, kae faka-koniseti te tala o te papatisoga.

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua

te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou Sala.91:11-12), e fakaaoga foki i nisi taimi ke fakaoko ne latou te fakamasinoga a te Atua (Mata.13:49-50).

Lesona:

A tausi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita. Te agelu, ko te avefekau ate Atua. Ite mataupu silisili, a Iesu kote Fakaola, ko ia foki ko te Keliso, te Atua Fauu kae fakata-pu, ko te Mesia. A Ia foki ko te Aliko. Muna te agelu, ka maua atu ne koutou te tamaliki e pulupulu ki laugatu, kae e fakamoe aia I loto ite tali fagai manu.

Mea a'koga mo fakamaina ei a te mataupu:

Ata 55

Fakatomuaga:

Kafai a te po ko pouli aka loa kae 'nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Akoakoga:

A fakaasiga katoa konei ne 'tupu, ne mea katoa e molimau mai ne latou a te 'kese mo te 'malu o te tamaliki tenei ka fanau mai. Ko 'kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fakaasiga pela mo fakaasiga konei ne 'tupu i te taimi ne fanau mai ei a Iesu. A tausi mamoe kaati ne 'poi katoa kae matakau me sea la a te mainaga lasi tenei ko maina mai luga o latou. Ne 'poi foki me ko sae mai a te agelu o folafola mai a te Tala 'Lei ki a latou

Mea fai a tamaliki:

Kala a te Ata #54

Fai a fesili mo atili fakamaina ei a te tala o te taeao nei

aso nei. Fakafesili ki tamaliki taki tokotasi me mata la nei seâ a te finagalo o te Atua mô latou?

Pese: When the Saviour calls

Fuaiupu Tauloto: Mataio 1:20"Iosefa te mokopuna o Tavita, sa matakou o fai Malia mo fai tau av-aga, i te mea ko faitama i te Aga-ga Tapu".

Talosaga:

Fakafetai lasi te Atua alofa mo 'tou alofa tumau mo matou, kae maise ko te tuku mai ne koe o tau tama fagasele ke mate mo omotou agasala ke fakamagalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

ULUTALA 36: KO TE FOLAFOLĀGA KI TAUSI MAMOE

Pogai: Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a te Iesu, te Fakaola o te lalolagi.

Tusi Faitau: Luka 2:8-20

Fakatokaga mô Faia'koga:

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua feitu, a tausi mamoe e galue malosi o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi i ei mo te tau moko. A te galo o se mamoe e tasi se matua mea faka-fanoanoa ki te tausi mamoe.

A te uiga o te muna 'Agelu' i te gana Eleni se "faifekau". Te agelu ko

eiloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino 'mate.

Pese: 'Iesu te fuatasi a te Atua....' io me fili mai te tusi pese

Talosaga:

Te Atua te Tamana alofa, fakafetai mo te akoakoga taua ne maua ne matou, tela ko fakamasaua mai ne koe ki a matou, me ia Iesu ko tau Tama tokotasi tela ne tuku mai ne koe ke maua i ei ne matou te fiafia mo te filemu. Fesoasoani mai ke talia katoatoa ne matou, kae ke faka'logo foki matou ki ana akoakoga. Amene.

ULUTALA 6: Iesu ko te Atua eiloa

Pogai.

Ke akoako a tama'liki ke malama'lama faka'lei i te talitonuga o te Ekalesia Kelisiano Tuvalu e uiga mo Iesu ko te Fakaola

Talitonuga

Au e talitonu ki a Iesu Keliso, ko te Afutasi a te Atua, *tela ko te Atua eiloa*, ko te Fakaola e tokotasi. tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino 'mate.

Fakatokaga mō Faiakoga.

A te Ekalesia Kelisiano Tuvalu e talitonu ia Iesu ko te Atua eiloa. A Iesu se pelesona e tasi o te Atua tela ko te Atua eiloa. A te mafutaga a pelesona konei, te Tamana, te Tama mo te Agaga Tapu e Tasi me i te Atua e Tasi kae ne fakaasi mai i auala e tolu.

Konei a molimau e fakaasi mai i ei i a Iesu ko te Atua eiloa.

Te molimau a te Tamana e uiga mo te Tama: (Mat.3:17) "Tenei eiloa a taku Tama fakasele e fiafia au ki ei" (17:5) "Ko taku Tama fagasele tenei ke fia'fia koutou ki a Ia" (Ioa.8:18; 1Ioa.5:9).

Te molimau a Iesu: Luk.22:69-70 ... *au te Tama a te Tagata ka nofo i te koga taua ko te feitu fakaatamai o te Atua* "Mana ... ne fakapatonu ne Ia i a Ia ko te Tama a te Atua; (Ioa10:30) *A maua mo toku Tamana e tasi;* (12:45) *So se tino e lavea ne ia Au, e lavea foki ne ia a Ia tela ne uga mai ne ia Au;* (14:7-10) *Moi fai ne iloa ne koutou Au, penei la ko iloa foki ne koutou toku. ... Ko te tino ko kilo ki a Au, ko kilo foki ki te Tamana. ... me i Au e nofo i loto i te Tamana, ka ko te Tamana foki e nofo i loto i Au;* (16:15) *A mea katoa a toku Tamana e aku.*

Ko molimau a te Kau-Apositolo: (Mat.16:16) Muna Petelu, "A koe ko te Keliso, ko te Tama a te Atua ola." (Ioa.1:1-2) "Ne `nofo fakatasi te Muna mo te Atua, ka ko te Atua foki ko te Muna."(Lom.1:4) "Ne fakaasi tonu mai ei me ko Ia ko te Tama a te Atua (Lom.9:5; Kolo.2:9; 1 Tim.3:16; Epe.1:3).

Ko molimau a agaga masei: (Mat.8:29) "Nea au mea e fai ki a maua e te Tama a te Atua" (Mal.1:24) "...eiloa ne au a koe! Ko te Tama tapu a te Atua!" (3:11) "A koe ko te Tama a te Atua" (Luk.4:41) "A koe ko te Tama a te Atua" (Gal.19:15)

Mea akoga mo fakamaina ei te mataupu:

Lomi ne koe te faiakoga te ata ote Tusi Tapu kise pepa mo Iesu e tuu ona tafa. Fakamalamalama ki tamaliki me ite Tusitapu e molimau fua ne ia Iesu.

Fakatomuaga.

E mata kai iloa ake ne koe te tino tela e molimaugina fua nete Tusitapu mai ia Kenese kia Fakaasiga (Ko Iesu fua)

Akoakoga.

Ko taaua e tamaliki ke talitonu me ia Iesu Keliso kote Atua eiloa, me ko uke akoakoga e tamaliki I ona aso nei ko aumai o tapale te tulaga Atua o Iesu.

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua eiloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino `mate.

fanau mai o te Mesia kae ne `tao atu mo tena muna ki a Malia penei: "A tou fanoanoa ka fakatusa ki se pelu mata kai, ka suki ne ia a tou loto" (Luka.2:35).

Lesona:

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama ite agaga tapu. E fa-kafoofogina te tulaga tenei, kae ne faigata foki kia Iosefa ona me ese malamalama I te fakaasiga tenei ne oko kia Malia. On ko tu mo faifaiga, tela ne faigata iei o talia ne Iosefa, kae ne mafaufau ke mavae laua mo Malia. I taimi tonu eiloa tenei, ne oko mai iei te fakasiga ate Alike kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne matakau, kae ne fakamalosigina ne te agelu, kese matakau, me ko oti ne filifiligina aia mai i loto ite tokou-kega o fafine.

Fakatomuaga:

Tamaliki, koutou e isi katoa ne outou tamana. Ia kae nei, koutou ka fakalogologo ki te tala o te tamana o Iesu tela ko Iosefa.

Akoakoga:

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne laua ki a Iesu, me ka fakaola ne ia a tino katoa mai i olotou agasala. E lua a akoakoga tãua e maua ne tatou i te tala o te taeao nei:

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i `tou olaga ke fai ne tatou ne tusaga tãua mô ia i te lalolagi nei, kae manakogina la iei ko tatou ke faka`logo ki ai

Mea fai a Tamaliki:

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te

Pese:

Ne nonofo i te vao leoleo mamoe

Fuaiupu Tauloto:

Luka 1:31 "Kiloke, a koe ka faitama, ka fanau ne koe se tama tagata, kae ka fakaigoa ne koe a ia, ko Iesu."

Talosaga:

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou kia koe Iesu te fakaola o matou, kae ke ola matou o fai te mea tela e loto koe ki ei, Amene.

ULUTALA 35: KO TE FOLAFOLĀGA KI A IOSEFA

Pogai: Ke akaoko a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

Tusi Faitau: Mataio 1:18–25

Fakatokāga mō Faia'koga:

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). E isi se fakasalaga e mafai o oko ki se tamafine tela e fai feagaiga ke malie tela feagaiga mo Malia me ko faitama, kae e se iloa ne ia me ne faitama iai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga "tamafine" o Malia. A Malia ne talia ne ia te fekau a te Atua i tona talitonu i a ia se tavini a te Aliko (Luka.1:38). Ne fakafetai ne Elisapeta a tena kaiga ko Malia ki muna fakamutia penei: "Amutia koe i faine katoa" (Luka.1:42). Ne ave ne ia a tena tama ki te faletapu kae ne fakamaonia ne Ana mo Simiona a te

Pese.

Three in One/ Taku molimau io me fili mai te tusi pese

Talosaga.

Te Aliko fesoasoani mai kia matou fanau ke moa e kavea gina te motou talitonu mai molimau kola e fai mai me ia Iesu Keliso se kote Atua, Amene.

ULUTALA 7: Iesu ko te Fakaola**Pogai.**

Ke akoako a tama'liki ke malama'lama faka'lei i te talitonuga o te Ekalesia Kelisiano Tuvalu e uiga mo Iesu ko te Fakaola

Talitonuga

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino 'mate.

Fakatokaga mō Faia'koga.

A te Ekalesia Kelisiano Tuvalu e talitonu ia Iesu ko te Fakaola e iloa e tokotasi (Isa.59:16; Ioa.3:14-15; 6:35, 67-68; Gal.4:12; 1Koli.3:11).

A te muna "Fakaola" e fakauiga ki te fakasao i taimi nei pela foki mo te taimi mai mua. I te Feagaiga Mua a te muna fakaola ne fakaaoga ki Famasino mo nisi takitaki o Isalalelu i taimi o fakalavelave kola ne auala mai i nisi malo (Fam.3:9; 15-30; 4:9; 6:12ff; 10:15-11:1ff; Nem.9:27). Ne fakaaoga foki te muna Fakaola ki te Atua tela ne fili ne Ia a tino mo fakasao a Isalalelu kae fakafoki ki te olotou fenua. I te Isaia (43:3) a te Atua ne fakafoki mai ne Ia a tino Isalalelu mai te olaga pologa ki te fenua o latou. E tenei te kamataga o mafuli a te talatukufakasolo, me i te fakasao/fakaola ko se aofia fua i malosī fakapolotiki a ko fakavae ki te fakatuanaki.

I te Feagaiga Fou a te Fakaola/Fakasao o tino mai i masaki, agaga masei, tulaga fakaalofa, fataua mo te se amanaiagina, te kivi, pili, mo te mate ne fai katoa ne Iesu ki tino katoa kola ne olo atu mo olotou

fakalavelave ki a ia (Mat.8:5-13; 20:29-34; Male.5:21-43; 15:21-28; Luk.7:11-17; 8:27-25; Ioa.2:1-12; 4:1-42). A tusitusiga a te Kau-Apositolo e fakapatonu ne latou ia Iesu e sei fua ko te fakaola o tino i tulaga masei konei, kae fakataua malosi ne latou ia Iesu ko te fakaola o tou olaga faka-te-agaga mai i te agasala; ko te fakaola o tatou mai i te olaga tenei e masaki ki te agasala ki te olaga tela e fakamoemoe ki ei a Kelisiano katoa (Gal.5:31; 13:23; Lom.1:16-17; 3:23-24; 5:8; 1Koli.15:20-25; Efe.5:23).

Mea akoga mo fakamaina ei a te mataupu.

Ata napa 136/ Ata 122

Fakatomuaga.

E mata kai iloa ne koe me e isi se fakaola o taaua mai sose mea kae maise loa mai te fakasalaga ote agasala?, ko Iesu fua.

Akoakoga.

A Iesu ko te Fakaola o tatou mai i te olaga pokotia ne masaki mo famai, ko Ia foki te Fakaola o tatou mai i te matakū mo te manavase i mea tupu o te olaga. Ko Iesu foki ko tou Fakaola mai i te olaga agasala kae maua ne tatou a te ola `lei mo te ola e se gata mai.

Fuaiupu Tauloto:

Mataio 1:21 e fai penei "Ka fanau ne ia se tama tagata, kae ka fakaigoa ne koe a ia ko Iesu, me ka fakaola ne ia a tino mai I olotou agasala"

Pese.

He is the Savior of my Soul/ io me fili mai te tusi pese

Talosaga.

Te Alikī, fakamolemole fesoasoani ki fanau kote mea ke talitonu `patonu loa meko Iesu loa ko ia te fakaola o latou, Amene

ULUTALA 8: Ko te fakataunuga o valoaga a Pelofeta.

Pogai:

Ke akoako a tama`liki ke maina `lei i te talitonuga o te Ekalesia Kelisiano Tuvalu e uiga ki a Iesu tela ne fakataunu katoa ne Ia a valoaga a pelofeta e uiga ki a Ia..

Lesona:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapilielu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Alikī i tena miti, ke fai ne ia a Malia mo fai tena avaga.

Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Mea a`koga mo fakamāina ei a te mataupu:

· Ata #51

Vitio kaseti (mafai e isi e toka)

Fakatomuaga:

Mata e isi se tino ne vau ki te lalolagi nei i se auala fakaatea me ko tatou ne fanau katoa mai ne `tou matua? Te mea e `kese iei a Iesu, me koi tuai a ia o fanau mai kae e isi ne fakaasiga io me ne fakailoaga ne oko mai ki ona matua.

Akoakoga:

Tamaliki, a te fanau mai o Iesu, e `pau e iloa mo te fanaumaiga o tatou katoa mai `tou matua, kae e `kese fua me ona koi tuai a ia o fanau mai, kae ko oti ne fakailoaga ne te avefekau a te Atua ki a Malia me ka fanau mai ne ia a te Fakaola. Ne filifiligina a Malia ne te Atua kae ne fakaoko mai a tena fekau e auala i te agelu. Te mea taua ke iloa ne tatou i konei, me i te Atua e pule ia tatou, e iloa foki ne ia a mea kola e fai ne tatou. Ona la ko Malia, se fafine e `gali ona uiga, kae fai foki ne ia a te loto o te Atua, tela ne filifiligina ei a ia ne te Atua ke fai mo matua o Iesu, te Fakaola o te lalolagi. Kae ne tupu ake foki a Iesu, ne tausi faka`lei ne ia, ne putiputi ake ne ia ke oko e iloa ki tena matua. A tatou foki e mafai o filifiligina ne te Atua ke fai ne tatou ne tusaga lasi kae taua mō ia manafai e ola tatou o fai tena finagalo i `tou olaga.

Mea fai a Tamaliki:

· `Kala fakagaligali a te ata #51

toetu ake eiloa mai te mate ke mafai o fakaola koe mo au mo tino katoa. E manakogina e tamaliki ko Iesu Keliso ke ola iloto I taa olaga e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

Mea fai a tamaliki:

Lomi te ata o Iesu I tena toetu mai te mate

Fuaiupu Tauloto: Maleko 16: 6 “Ne fai mai a te tino tena kia latou, ana muna, sa `matau. A koutou e `sala kia Iesu te Nasaleta tela ne fakasataulo. E se I konei, ko oti ne toetu...”

Pese: OH! HOW I LOVE JESUS...

Talosaga: Fakafetai te Atua mo te manumalo e auala I te toetu ake koe mai te mate te la ko mafai ne matou o manumalo I omotou olaga sasaele mo koe.

VAEGA 4 – KO TENA FANAU MAI

ULUTALA 34: KO TE FOLAFOLĀGA KI A MALIA

Pogai: Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

Tusi Faitau: Luka 1:26–38

Fakatokāga mō Faia’koga:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fa-katonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Talitonuga

Au e talitonu ki a Iesu Keliso, ko te Afutasi a te Atua, tela ko te Atua eiloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino `mate.

Fakatokaaga mō Faiakoga:

Ka koi tuai o fanau mai a Iesu, kae ko leva loa ne `valogina ne pelofeta a tena oko mai ki te lalolagi nei. I te fakasalaga a te gata ne te Atua i te Kenese (3:15), ne fai ki ei a te Atua me i tena ulu ka tuki palagina ne te fanau a te fafine. E fitu selau tupu tausaga mai mua o fanau mai a Iesu, kae ko valogina ne te pelofeta ko Isaia (7:14) i taimi mai mua o te Ta-feaga me ka isi se *tamafine* ka faitama kae ka fanau mai ne ia se tamaliki tagata tela ka fakaigoa ki a `Emanuelu’. Konei a nisi valoaga taua a pelofeta e uiga ki a Iesu, kae ne fakataunu katoa i te oko maiga o Iesu.

Valoaga a Pelofeta

Ne vau I te gafa o te fafine
Kene.3:15

Fakataunuga

Kala.4:4

Ka vau mai i te matakaiga o Iuta
Ken.49:10

Luka.3:33
Mata.1:2-3

Ka vau I te fakasologa o te tupu o Tavita
Isa.9:7

Mata.1:1

Te koga ne fanau I ei
Mika 5:2

Luka.2:1-2 (2:3-7)

Ka fanau mai te “tamafine”
Isaia.7:14

Mata.1:18 (Luka.1:26-27)

Tamatega o tamaliki
Iele.31:15

Mata.2:16 (2:17-18)

Sola ki Aikopito
Hose.11:1

Mata.2:14 (2:15)

Te taunu o valoaga a Pelofeta ia Iesu e fakapatonu i ei i a Iesu ko te

Atua e iloa tela ne ola mai loa i te kamataga, ko te Fakaola alofa tela ne vau i tona loto malie katoatoa o faka'sao a tatou mai i te olaga agasala.

Mea akoga mo fakamaina ei a te mataupu:

Fakaaoga a ata napa 51- Kapilielu mo Malia, napa 53- Te agelu ki a Io-sefa, napa 54- Iesu i te Fale o manu, napa 55- Tausi mamoe i te vao.

Fakatomuaga:

E mata kai iloa ne koe me tokotasi loa te tino tela ne fakataunuu katoa e uiga kia ia ko Iesu fua

Akoakoga:

Se mea e fakafoofogina manafai e mafaufau faka'lei a tatou ki te fanau mai o Iesu. Seki taitai loa o fanau mai, kae ko leva loa ne `valogina io me ne faipatigina a tena fanau mai ne tino e tokouke. Ko pelofeta o te Fea-gaiga Mua, ko Kapilielu, ko nisi agelu i te vao, ko te Fetu `pula tela ne `taki mai ne ia a te kau `poto mai i te saegala, ko tena fanau mai i se koga fatau'va kae fakamoe i loto i tali fagai manu, mea katoa konei mo nisi mea aka foki kola ne `tupu

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. *Tela ko te fakataunuga o valoaga a pelofeta.* Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino `mate.

Pese:

He is the Savior of my Soul io me fili mai te tusi pese

Talosaga:

Te Aliko fesoasoani mai kia matou fanau kote mea ke iloa ne matou me ko Iesu fua tokotasi tela kote fakataunuga o valoaga faka pelofeta.

ULUTALA 9: Ne fanau mai ia Malia te Taupou.

Pogai: Ke akoakoa a tama'liki ke maina `lei i te talitonuga o te Ekalesia Kelisiano Tuvalu e uiga mo te fanau mai o Iesu ia Malia te tamafine

Usu pese

Fuaiupu Tauloto: Efeso 5:2

Pese: Fili mai te tusi pese

Talosaga:

Te Aliko, fesoasoani mai kia matou fanau ke lavea ne matou te faigata o puapua ne feagai mo te motou Aliko ona ko tena alofa mo matou, amene.

ULUALA 33: KOTE TOETU MANUMALO O IESU KELISO MAI TE MATE

Pogai: Ke fakaasi io me fakamautinoa ki tamaliki me ia Iesu ne toetu mai ake loa mai te mate

Tusi Faitau: Maleko 16: 1—8

Fakatokaga mo Faiakoga:

Te toetu manumalo o Iesu ko te toe fakamoemoega ola loa o te Ke-lisiano me ona a Iesu ne toetu, telala tatou e toetu fakatasi mo ia manafai e talitonu `patonu tatou ki tena mate mo tena toetu manu-malo (1 Kolinito 15:1—7). Tenei te `kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu la-tou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

Mea akoga mo fakamaina ei a te mataupu

Te ata o te toetu o Iesu

Fakatomuaga:

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate

Akoakoga:

Tamaliki ko te mea ke talitonu `patonu tatou me ia Iesu Keliso ne

tou.

ULUTALA 32: KO TE FAKA SATAULOGA O IESU

Pogai: Ke fesoasoani ki tamaliki ke lavea ne latou a te faigata mo te 'mafa o te amoga ne amo ne Iesu kae maise a tona sataulo i tena auala ki Kalevalia

Tusi Faitau: Ioane 19: 16—27

Fakatokaga mo Faiakoga:

A uiga fakamotu loto, ko muna masei, muna loi mo amioga se tonu katoa ne fai kia Iesu i taimi o te fakamasinoga, te fakasalaga ke oko ki tona mate ko toe logo maega tafasili i te masei. Ka tuku tasi a mea katoa kona, fakatasi mo te mataga o tena mate i te sataulo ko taku a mea konaa ko te "sataulo" ne amo ne Iesu.

A te sataulo se lakau faka lava tela e fakasala i ei a tino tafasili i te masei a olotou uiga mo faiga,. Te sataulo e atagina i ei te mate fakalumaluma i tuu mo aganu faka Iutaia. Ne mafa malosi kia Iesu te sataulo o ia ona ko te vaivai o tona foitino i pago mo kini kola ne ave ne sotia Loma kia ia.

Fakatomuaga:

Kooi te tamaliki kooti ne lagona ne ia te tala I te fakasatauloga o Iesu? A te tala ka fakalogologo tatou kiei I te aso nei ko te tala o Iesu i te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

Akoakoga:

E maina i te tala me ia Iesu ne fakasataulogina i tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki eiloa. Kafai e mafaufau tatou ki te mea ne fai ne Iesu, ailoga e isi se tino i te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea 'see o nisi tino. E seai foki se tino e fiafia o mate mo te sua tino. Telala, e 'tau mo tatou tamaliki o kufaki kae loto fakamagalo ki nisi tino kote mea ke fiafia mai te Atua kia tatou.

Mea fai a Tamaliki

Talitonuga

Au e talitonu ki a Iesu Keliso, ko te Afutasi a te Atua, tela ko te Atua eiloa, ko te Fakaola e tokotasi. Tela ko te fakataunuga o valoaga a pelofeta. *Ne fanau mai ia Malia te taupou.* Ne liutino tagata. Ne puapuagatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a ia o fakamasino a tino katoa, tino ola mo tino mate.

Fakatokaga mō Faiakoga.

A te Ekalesia Kelisiano Tuvalu e talitonu ki te fanau mai o Iesu ia Malia te tamafine. Te muna "tamafine" (taupou faka-Samoa) e fakaaoga mo fakatulaga te fafine tela e seki 'moe fakatauavaga ake loa mo se tagata i tona olaga katoa. A muna Epelu pela foki faka-Eleni e mafai foki o fakauiga ki se fafine tela ko tu i te tulaga avaga.

A te faitama o Malia i te Agaga Tapu e fakamatala faka'lei loa ne Mataio mo Luka. A Mataio.1:18-25 e lavea gofie i ei a te valoaga a te pelofeta ko Isaia.7:14 me isi se tamafine ka faitama, kae ka fanau mai ne ia se tamaliki tagata. Ia Luka.1:26-38 a te fanau mai o Iesu se mea fakafoofogia, me ko fanau mai a tena tama tela ka fakaigoa ko te Tama a te Atua (f.34, 37) tela ne fakatulaga foki pena a tupu kola ne fanau mai i te gafa o Tavita (f.32, 35, mo te 2 Samu.7:12-14; Sala.2:6-7).

Te ata tenei i tou mua e fakatino mai i ei i a Iesu e seki vau i auala mo manako faka te foitino, kae ne vau i te auala ne filifili ne tona Tamana. E fakaasi i ei te malosi tafasili i te fakafoofogia o te Atua tela e seai ake se atua e pau mo ia. E fakaasi i konei te maluga o tena pule i mea katoa kae e se oko ki ei a pule a tino ola (Isa.40:12-14).

Mea akoga mo fakamaina ei a te mataupu.

Ata Napa: 97

Fakatomuaga.

E mata kai iloa ne koe me e isi se tamaliki ne fanau mai kite lalolagi nei mai te tamafine?

Akoakoga.

A te fanau mai o Iesu i te tamafine e fakaasi mai i ei te fakalogo muna o Iesu mo tena alofa lasi mo te lalolagi ko fakamasei ne te agasala. E lavea

foki i konei a loto malalo mo te ava ki tona Tamana tela ne vau ei a ia e pela mo te loto o tena Tamana,

Mea fai a Tamaliki.

Lomi te ata o Malia mo Iesu i te falemanu

Fuaiupu Tauloto.

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. *Ne fanau mai ia Malia te taupou.* Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino mate.

Pese.

Silent night (Christmas song) io me fili mai te tusi pese

Talosaga.

Te Aliko fesoasoani mai kia matou tamaliki ke iloa io meke talitonu matou me ia Iesu ne fanau mai loa ite Taupou.

ULUTALA 10: Te Liutino o Iesu

Pogai.

Ke akoako a tama'liki ke malama'lama i te talitonuga o te Ekalesia Kelisiano Tuvalu i te Liutino o Iesu.

Talitonuga

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. *Ne liutino tagata.* Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino mate.

Fakatokaga mō Faiakoga.

A te Ekalesia Kelisiano Tuvalu e talitonu katoatoa ki te liutino mai o Iesu tela ne taunu katoa i ei i a Ia a valoaga katoa a pelofeta.

A Ioane ko te tusi e tasi mai i te Feagaiga Fou tela ne fakataua ne ia te

Fakatokaga mo Faiakoga:

Te Ulumanumalo o Iesu ki loto i Ielusalema se ata tafasili i te gali tela e lavea iei a ia se tupu mo te Fakaola o te lalolagi. A Petefake (te fale mati) se fa'kai foliki tela e tuu pili ki te mauga o Olive te koga tela e lavea lei mai i konaa a Ielusalema. A te asini mo te tama asini ne aumai Ktoa kia Iesu mo sopo a ia iei (f.7) me "e manako ki ei te Aliko". Te mea tenei ne fai ne Iesu e fakataunu i ei a muna a te pelofeta ko Sakalia (9:9) me ko fakaasi ne Iesu me i te ia se tino o te filemu kae ese fakavae a tena malo ki malosi mo te fia maluga. E seai loa se fakaasiga o Iesu me i te ia se tupu, kae i te taimi ne sopo ei a ia iluga i te asini, a ona soko ne fola a gatu o latou i te auala kae ka'liga mo te leo lasi mo laupaama i olotou lima, "ke manuia a te tupu tela e vau i te igoa o Tavita!" Ne uate a tino i Ielusalema ona ko te faifaiga tenei.

Fakatomuaga:

Kai sopo aka koe i tua o te asini? Io me kai lavea ne koe se asini? Te aso tapu tenei, ko te tala i te ulu manumalo o Iesu ki loto i Ielusalema.

Akoakoga:

Ke fakaaloalo a tu tatou ki sose tino e taaua kii i tou olaga. E pena te malaga o Iesu e fakaataata ei tona loto mamlalo o ia tela ne fakaaloga ei ne ia te manu tenei ko te asini kae se ko te solofanua. Telala, tamaliki se tulaga ke ola te manatu tenei te lotomalalo mo te fakaaloalo I tou olaga sau katoa kae maise la ko tou fakaaloalo ki te Atua tela ko ia te tupu o tatou tino katoa.

Ke masaua foki ia taua tamaliki me ia Iesu ko tou fakaola tela ne mate mo fakamagalalo tou agasala.

Fuaiupu Tauloto:

Faitau 8 –9e "tokouke tino ne fola olotou gatu i te auala, ka ko nisi tino ne fati ne latou a kaula o lakau kae fakamoe i te auala"

Pese: Let the Lord have His ways

Talosaga:

Te Atua, aumai kia matou se loto aava mo te fakaaloalo ke ola ia ma-

Fakatomuaga:

Ko oi te tamaliki ko maua ne ia te ola e se gata mai?

Akoakoga:

A te ola e se gata mai e maua ne so se tino i tena fakatuanaki ki a Iesu Keliso. E seai se koloa e mafai ne koe o togi ki ei te ola e se gata mai. E seai foki se galuega lei e mafai o fai ne koe ke maua ne koe te meaalofo tenei a te Atua. Ko tou fakatanaki tela ko te ata fakaasi o te talia katoatoa ne koe a Iesu ke fai mo aliki fakaola o koe.

Mea fai a tamaliki

Lomi te ata o Iesu te tou Aliko Fakaola

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatísoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga

Te motou Tamana faka te lagi, fakafetai mo tau meaalofo tela ko te ola e se gata mai e auala i a Iesu. Koe ke alofa, fesoasoani mai ke talia katoatoa ne matou a Iesu mo fai te aliki fakaola o matou, amene.

VAEGA 3: KO TE ULU MANUMALO, MATE MO TE TOETU MAI O IESU**ULUTALA 31: KO ULU MANUMALO IESU KI LOTO I IELUSA-LEMA**

Pogai: Ke atiake a te iloa o tamaliki me ia Iesu ko te fakaola o tatou

Tusi Faitau: Mataio 21: 1—11

mataupu tenei, kae ne kamata ana fakamatalaga i te fakamatalaga ne ia a te Muna a te Atua me ko ia ne faite ne te Atua ki ei a te lalolagi mo mea ola katoa, kae ne liutino mai i a Iesu kae ne nofo fakatasi mo tatou (1:1-17). A te evagalia ne fakaasi foki ne ia i a Iesu ko leva loa ne i ai kae e seki liutino mai (6:62; 8:38), kae ne vau mai i te Atua (16:27; 17:8), ne vau ki te lalolagi nei (10:36; 12:40). Ko Ioane foki loa ne tusi ne ia a muna a Iesu, me seki ai a Apelamo, a ko leva loa ne i ai a ia (8:58).

A tusi a Paulo e se faipati tonu loa ki te mataupu, kae vaga i ei ko nai faitau mo fakamunaga a ia kola e atagia i ei a mataupu tenei. Ne fakaasi ne Paulo me i te Atua ne tuku mai a tena Tama (Kala.4:4; Loma.8:3) ko Iesu Keliso te Aliko tela tela ne auala i ei o faite a mea katoa (1Koli.8:6). Ne fai mai foki i a Iesu ko "te poto o te Atua" (1Koli.1:24) tela e lavea foki i te Feagaiga Mua (Fata.8). Te faipatiga a Paulo i te Filipi (2:6-11) e fakaasi i ei a Iesu kae koi tuai o liutino, kae i te Kolose (1:15-20) a Iesu ko foliga o te Atua tela e se lavea ki mata; te toekimua o mea katoa ne faite ne te Atua (Kolo.1:15, 19 cf. 2:9).

Mea akoga mo fakamaina ei a te mataupu.

Ata Napa: 97

Fakatomuaga.

Kai iloa ne koe me ko Iesu fua kote Atua kae ne liu tino tagata ite fanau mai ite Taupou.

Akoakoga: Te liutino o Iesu e fakaasi i ei a tona alofa mo toe tino tafasili loa i te fataua, te fakaalofo, mo te masei kae ko se taulia a ia i koga e nofo i ei a tino; me i a Iesu ne seki vau mo tino amiotonu kae mo tino agasala (Male.2:17; Luka.19:10). A te Ekalesia e tau o fakatino ne ia te tulaga atafai, alofa kae fesoasoani ki tino se taulia kae agsala, me tena tusaga io me ko tena fekau ne kalagina a ia ki ei ne Iesu.

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. *Ne liutino tagata.* Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino `mate.

Pese.

His name is Wonderful io me fili mai te tusi pese

Talosaga.

Te Alikii alofa mai kia matou fanau kote mea ke iloa tonu ne matou me ite Atua ne liu tino tagata loa e auala ia Iesu Keliso.

ULUTALA 11: Te Fakasatauloga o Iesu

Pogai.

Ke fakamaina faka'lei ki tama'liki te talitonuga o te Ekalesia Kelisiano Tuvalu e uiga mo te fakasatauloga o Iesu

Talitonuga

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. *Ne fakasataulogina, ne mate, ne tuku ki te tanuga.* Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino mate.

Fakatokaga mō Faiakoga.

A te Ekalesia Kelisiano Tuvalu e talitonu katoatoa ki te mate o Iesu Keliso mo fakaola a tino agasala kola e talia ne latou a tona 'mate.

A tala e uiga mo te fakasataulogina o Iesu e manino 'lei i tala a Mat 27, Male.15, Luk 23, mo Ioa.19 i ei. A te sataulo ne lakau e lua kola e tuki tasi mo faite te mea fakasala kae tamate a tino kola e fakasala ki te mate i aso o Iesu. A te fakasalaga o Iesu ke mate i te sataulo, e pela mo fakamatalaga a tusi konei, ne fakatonu mai ne Pilato te kovana o Loma tela e nofo i Ielusalema, me ko ia fua loa e nofo mo te malosia i te vaitau kona o fakasala se tino ki te mate.

A muna konei ne tusi kae tuki ki tena sataulo, "Iesu ko te Tupu o tino Iutaia" e fakasino mai i kona, ia Iesu ne fakasala ki te mate ona ko Ia ne 'teke ki te Kaisala o Loma i te fai i a Ia ko te Tupu o tino Iutaia (high reason), kae ne seki mate ona me ne muna masei ki te Atua e pela mo moli-mau a te kau Falesaio mo Toeaina. Fakamuli ake ne kini ne latou kae taki ki tua ki te koga e igoa ki a Kolokota tena uiga ko gatiulupoko o fakasa-

ULUTALA 30: Te Ola e se Gata Mai

Pogai:

Ke fakamatala ki tamaliki a te talitonuga o te Ekalesia Kelisiano Tuvalu e uiga mo te ola e se gata se meaalofo a te Atua mo so se tino tela e talia ne ia a Iesu mo fai a tona Alikii fakaola.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatissoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamaga-loga o agasala; te Ola mai faka-te-agaga; *mo te ola e se gata mai*

Fakatokaga mo Faiakoga

A te Ekalesia Kelisiano Tuvalu e talitonuga ki te ola e se gata mai e auala i te fakatuanaki ki a Iesu Keliso te Fakaola. A te talitonuga o Kelisiano e fakaasi mai i ei me i a Iesu ne tuku ne ia te avanoaga ki a latou kola e tautali i a ia ke maua ne latou te ola e se gata mai. A te ola e se gata mai e maua ne tino i te taimi loa tela e talia ne ia a Iesu kae e se maua i te taimi o te gataga — *"Au e muna tonu atu ki a koutou, ko te tino e fakalogo mai ki taku muna, ... ko i a ia te ola e se gata mai."* (Ioane 5:24).

A te ola e se gata mai (Mata.25:46; Ioa.6:27; 10:28; Loma.2:7; 6:22; 1Timo.6:19; Tito.1:2; 1Ioa.2:25; Iuta 21) se meaalofo a te Atua (Loma.6:23; Efe.2:8). Ko tona uiga i ei, me ko tino e fakatuanaki ki a Iesu e maua ne ia te meaalofo tenei (Ioa.3:15, 36; 17:3) anoa mese togi io me ko au galuega lei. Mai i fakaasiga a Iesu a te ola e se gata mai e maua ne te tino talitonu i te olaga loa tenei; e se faitali koe ke mate ko maua ei ne koe. Ko te taimi e talitonu ei koe ki a Iesu e tena te taimi e maua wei ne koe te ola e se gata mai (Ioa.3:15, 36).

Mea Akoga mo fakamaina te mataupu:

Te ata o Iesu

Ata o tino fakatuanaki

-te-agaga i tena fanoga keatea mai i tona Tamana (Atua). I te fokiga mai ne talia ne tona Tamana a tena fakatoesega (15:21) kae ne fai ne ia te kaiga fiafia me i tena tama ne mate kae tenei ko ola; ne galo kae tenei ko maua. A te agasala e tamate ne ia te olaga faka te agaga (Loma.8:6; Iako.1:15; 5:20).

Mea Akoga mo fakamaina te mataupu:

Ata o te toetu mai o Iesu mai te mate
Ata o te toetu mai o Lasalo mai i te mate

Fakatomuaga:

Fesili ki tamaliki me ko oi te tamaliki ko oti ne lavea ne ia te tino tela ne fai ne ia amioga masei kae se ti fano ki lotu. Kae nei, a tona olaga ko kese me ko lotu kae fai foki ana tofiga faka te lotu; ko se fai foki ne ia amioga masei?

Akoakoga:

“Kafai ko ola a Keliso i loto i te tino a ia se tino fou; ko teka keatea a te tino mua; kae kiloke, ko oko mai te te tino fou ki a ia” (2Koli.5:17) e tena te toetu mai faka te agaga.

Mea fai a tamaliki

Lomi te ata o Iesu i te toetu mai i te mate

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamaga-loga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga

Te Atua te motou Tamana, fakafetai mo te fakaolataga e auala i a Iesu. Fakatasi mai a tou agaga ke toe fakatu ne ia a matou ki te ola fou i a Iesu, amene.

taulo i ei; ne faimalo ne latou a Simona ke amo ne ia a tona sataulo. Ne tuki ne latou ona lafilima ki fao (Luk.24:39; Ioa.20:25) kae ne tuku ne latou a uaina e palu mo vailakau e igoa ki te mulo mo fesoasoani o fakamate a tona foitino, kae ne seki talia ne ia (Male.15:23). A Iesu ne mate i loto i te ono itula i te fakasatauloga kae ne fanoi a tona foitino ne Iosefa te Alimataia kae tanu ne ia i tona tanuga tela ne tanu a Ia kae seki to te Ia (Teu.21:23).

Mea akoga mo fakamaina ei a te mataupu.

Ata No. 84-87/ 151

Fakatomuaga.

Iesu Kekiso ne fanau mai loa mote pogai ko ia ke mate iluga ite Sataulo

Akoakoga: A te mate o Iesu ko te tusaga tafasili i te lasi ne fai ne te Atua mo fakasao kae fakaola a tino agasala. E fakaasi foki loa i konei a te lasi o te alofa mo te atafai o te Atua mo tino agasala, tela ne seki kaiu a Ia, kae ne tuku mai loa ne Ia a tena Tama e Tokotasi ke fai mo taulaga togiola o tatou, tiga i ei a tona takalialia i te agasala.

Mea fai a Tama'liki.

Lomi te ata o te sataulo
Fakakoniseti te tala o te fakasatauloa a Iesu

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. *Ne fakasataulogina, ne mate, ne tuku ki te tanuga.* Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino `mate.

Pese.

Fili mai te tusi pese

Talosaga:

Fakafetai lasi Iesu mo tou alofa lasi mai mo matou ke fai koe mo taulaga togiola e maua i ei ne matou te fakamagaloga o omotou agasala, kae fakaola ne koe a matou ki te ola e se gata mai. Ko tia ne matou a tou mate i te loto salamo mo te alofa atu mo koe, fakafetai Iesu, amene.

ULUTALA 12: Ko te toetu o Iesu mai te mate:

Pogai:

Ke fakaasi ki tamaliki ke iloa ne latou me i te Ekalesia Kelisiano Tuvalu e talitonu ki te toetu manumalo o Iesu mai te mate.

Talitonuga

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. *Ne toetu mai i te tolu o aso.* Ne fanake ki te lagi, *mai i kona ka vau a Ia o fakamasino a tino katoa, tino ola mo tino 'mate.*

Fakatokaga mo Faiakoga:

Te EKT e talitonu ki te toetu o Iesu Keliso mai i te mate e pela mo folafolaga a te Tusi Tapu. A te takutonuga a te Ekalesia Kelisiano Tuvalu e uiga mo te toetu manumalo o Iesu mai te malosi o te mate e fakavae mai i te Tusi Tapu, pela foki mo te takutonuga faka-Apositolo mo te takutonuga faka-Nisa.

A te uiga o te muna "Toetu" ko te tu mai te mate ki te ola. A te toetu mai o Iesu mai i te mate ko faifaiga katoa a te Atua tela ko te fua mua-mua loa o tino mate (1Koli 15:20). A te fakatuanaki o tino ki te toetu mai i te mate o Iesu e fakavae katoa ki te fakamunaga kola e penei: "e seai a Ia i konei, a ko toetu." E pela mo fakamatalaga a tusi tala o Evagalia e fa (4) (Mat 28:4-6; Male 16:6; Luk 24:6; Ioa 20:1-10). A tala mo te toetu o Iesu e fakavae katoa ki molimau a Malia te Makatala mo nisi fafine kola ne lavea ne latou me galo a Iesu i te tanuga me ko oti ne toetu (Male 15:47; Mat 28:13; Ioa 20:15) Te tusi tala ko Luk (24:15) e fakaasi ne ia ia Iesu i te toetuga ne fai'pati mo tino, ne fakapa'ele a tino ki a Ia, ne kai, inu, kae sau'tala mo tino e tokouke.

Muna Paulo, "a ko te mea tonu, a Iesu ne toetu mai i te mate" (1 Kol 15:20). Ko seai se falalotolotolu i tino talitonu. Kae moi seki toetu a Iesu mai i te mate, e penei, ko toe tino fakaa'lofa e iloa ko tatou. Ne toe fai mai foki a Ia penei, "Ne fakasaoloto foki a Ia mai te puapua o te mate, me se mafai lele e iloa ne te mate o pikifao a Ia" (Gal.2:24).

talitonu ki te Malo e tasi o te Atua; te Papatísoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamaga-loga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga:

E moli atu te fakafetai lasi a matou te Atua te motou Tamana mo tau meaalofa ko Iesu tela e maua i ei ne matou a tou alofa fakamagalo. Fesoasoani mai ke talia ne matou a Iesu ke ola ei a matou, amene.

ULUTALA 29: Te Ola Mai Faka te Agaga

Pogai:

Ke akoako a tamaliki ke iloa ne latou a te talitonuga o te Ekalesia Kelisiano Tuvalu e uiga ki te tamate ne te agasala a te agaga o tino kae e toe fakatu mai ki te ola i te talia ne ia o Iesu.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatísoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamaga-loga o agasala; *te Ola mai faka-te-agaga;* mo te ola e se gata mai

Fakatokaga mo Faiakoga

A te 'toetu' e fakauiga ki te toe ola mai i te mate. A te Ekalesia Kelisiano Tuvalu e tatitonu ki te toetu, kae e penei a tena talitonuga:

A te tino tela ko pule a tena olaga ne te agasala kae ko faigata i a ia o iloa te lei mai i te masei, e taku a te tino tena me ko mate ki te agasala io me mate faka te agaga (Kene.2:17[Fata.8:36]; Ese.18:20; Loma.6:23; 8:6; Iako.1:15; 5:20; Faka.21:8). A te toetu faka te agaga e fakauiga ki tino tela ko salamo mai i tona olaga agasala, kae talia katoatoa ne ia a Iesu ke fakafou ne ia a tona olaga. A te olaga fou la tena e taku me ko te toe ola mai faka te agaga (Ese.37:10; Luka.15:24; Loma.8:11[11:15]; Efe.2:1,6 [Kolo.2:13]; Kolo.3:1). Te ata tafasili i te gali mo fakamaina te mataupu tenei ko te tala o te tamaliki fakamaumau mea (Luka.15:11-32) Te maliki tenei ne mate faka

taulaga sunu e fai tasi mo te fakasiga o te loto ko 'fuli mai i te fakalogogata ki te fakalogo mo te alofa (1Sam.15:22; Hos 6:6). A tusitusiga a pelofeta e fakaasi i ei me fakamagalo ne te Atua a latou kola ko sala'mo mai i olotou agasala (Isa.1:18-19; Hos 12:2-3; Ioe.2:13) tela se fakanofoga mo faka'lei te vasia o te tino mo te Atua.

I te Feagaiga Fou a te Atua ne fakaasi a tona alofa i te fakamagalo ne Ia agasala a tino. E fakaasi foki i ei me ko te Atua loa ne fakatoka ne Ia te va 'lei o Ia mo tino (Kala.1:4;2Koli.5:19;Lom.9:23-26) kae fakamagalo a tino e auala i te mate o Iesu Keliso Lom.3:21-26;4:25; Male.10:45;Kal.1:4;Gal.13:38). A tino e isi foki se olotou tusaga i te galuega fakamagalo a te Atua e pela mo te fakamagalo ne tatou a tino Ioa.20:23;Iak.5:13-16; ke loto fakamagalo a tatou ko tatou ke fakamagalogina foki Mat.18:21-35; Luk.17:3;Te talo a te Aliko e fai mai me tau o fakamagalo ne tatou a nisi ko fakamagalo ei a tatou Mat6:12, 14-15,Luk.11:4;ke fakalei a tou va mo nisi siki ko ofo atu ei a tou taulaga ki te Atua Mat 5:23-24; Male11:25.

Mea Akoga mo fakamaina te mataupu:

Ko ata o fata-faitaulaga a tino i aso mua

Fakatomuaga:

Fesili ki tamaliki me ko oi te tino e seai sena agasala? Ko fakamatala ei ne te faiakoga te tali ke maina a tamaliki.

Akoakoga:

Ko fakamaina fakalei mai ki a tatou me ko te alofa o te Atua e fakamagalo kae magalo foki ei a tou agasala e auala i te mate mo te toetu o Iesu Keliso. Sua feitu taua, me tau mo tatou o loto fakamagalo ko te mea ke fakamagalo foki ei a tatou nete Atua.

Mea fai a tamaliki

Lomi te ata o Iesu e tautau i te sataulo

Video - Pei te ata o Iesu ke lavea fakalei ne tamaliki te mate mo toetu o ia.

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e

Mea mo fakamaina te mataupu:

- Ata o te tugamau mo te Aliko ne toetu mai te mate (No.88)

Fakatomuaga:

Tama'liki, kai lavea ne koulua te tino ko oti ne toetu mai te mate?. A te mate ko te gataga o te olaga tenei i te ola faka-te-foitino. Ka ko te toetu mai te mate ko te 'fuliga io me ko te suiga o tou foitino fatauva e oko ki ei te 'pala ki te foitino tapu. A te mataupu ka fakalogo'logo tatou ki ei ko te mataupu e uiga mo te toetu o Iesu Keliso mai te mate mo tena aoga ki te olaga fakatuanaki.

Akoakoga:

Te mataupu e fakamasaua mai ki a tatou me ia Iesu ko te Aliko manumalo. A te manumalo o Iesu e akoako ne te Ekalesia, kae se vaega foki o te Takutonuga a te Ekalesia Kelisiano Tuvalu tela e fakamalosigina i ei a Kelisiano ke tumau o talitonu kae tavini ki te Aliko. Tela la, se tiute o taua ke fakalauefa atu a te Tala 'Lei e uiga mo Iesu. Ke akoako atu ki tino, taugaso mo tou tuakoi me ia Iesu ne toetu mai te mate i te tolu o aso. Ka pena foki tatou o toetu mai te mate kae ulufale atu ki te ola e se gata.

Mea fai a Tama'liki:

Faifesili (Ko fesili kola e fakatoka ne te faiakoga)

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. *Ne fakasataulogina, ne mate, ne tuku ki te tanuga.* Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino mate.

Pese:

Fili mai te tusi pese

Talosaga:

E talitonu matou te Atua me ko koe e iloa ne fakatu ake a Iesu mai te mate, tela ne fakatakavale ne koe a te masei mo te fakamataku o te tugamau, kae sisi ei te fuka o te manumalo ne te kau Kelisiano. E akai atu matou ke fakamalosia kae fakamautakitaki ne koe omotou loto tali-

tonu mo motou fakatuanaki ki a koe te Atua ko te mea ke atili eiloa te loto malosi mo te talitonu ia koe e ola nei ke oko ki te se gata mai, i tou igoa Iesu e talo atu matou nei, Amene.

ULUTALA 13: Ko fanake a Iesu ki te lagi

Pogai: Ke atiake a te malamalama mo te iloa o tama'liki e uiga mo te talitonuga o te Ekalesia Kelisiano Tuvalu ki te Fanake o Iesu ki te Lagi.

Fakatokaga mo te Faiakoga:

A te Ekalesia Kelisiano Tuvalu e talitonu me ia Iesu ne fanake ki te lagi mai tua o tena toetu manumalo mai i te mate.

A te lagi ko te koga tela i luga atu o te lalolagi kae fakapukupuku ne ia te lalolagi. I te Tusi Tapu a te lagi ko te koga e tu i ei a fetu, te la mo te masina (Ken.1:14-16); e eva i ei a manueva (Ken.1:20, Teu.4:17); ko te koga nofo o te Atua (1Tup.8:30) e tu i ei te Nofoaga Alike o te Atua (Isa.66:1, Eso.249-11). A Enoka (Ken.5:24) pela foki mo Elia te pelofeta ne ave ola katoa ki te lagi (2Tup.2:1-12).

A Iesu ne ave ola foki ki te lagi mai tua o tena toetu manumalo mai te mate (Luk.24:51; Male.16.19e). Ne fakaasi ne te tusi tala ko Luka i tena tusi ko Galuega me i te Alike ne fanake ki te lagi e 40 aso mai tua o tena mate (Gal.1.3). A Iesu ne maopoopo fakatasi mo ona soko i te mauga o Kalilaia koi tuai o fanake ki te lagi (Mat 28:16-17). Ne takitaki ne Ia a ona soko ki tua o te fakai ko Petania. Sisi ake ei ona lima kae fakamanuia atu ki a latou. Ka koi fakamanuia atu Iesu ki a latou, kamata ei o masagi ake mai ia latou o fanake ki te lagi (Gal.1:9). Ne fakapatonu ne Paulo me ia Iesu ne fanake eiloa ki te lagi ki te koga pito sili i te maluga (Efe 4.8).

Mea Akoga mo Fakamaina te Mataupu:

Ata No.90

Fakatomuaga:

Kai lavea aka ne koe se tino ke fano ki luga i te lagi? Ne a mea kola e mafai o lavea ne koe i te lagi, I te Ao mo te Po ? Te aso nei ko te tala i te aveakega a Iesu ki te lagi.

Akoakoga:

I te tala ko oti ne fakalogo'logo tatou ki ei tama'liki, ko fakamasaua mai kia tatou me ia Iesu ne fanake ki te lagi i te 40 aso mai tua o tena mate.

ULUTALA 28: Te Fakamagaloga o Agasala

Pogai:

Ke fakamatala ki tama'liki a te talitonuga o te Ekalesia Kelisiano e uiga mo te fakamagaloga o agasala i te salamo ki tou agasala kae talia mo tou loto talitonu a te mate o Iesu Keliso.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: *te fakamagaloga o agasala*; te Ola mai faka-te-agaga; mo te ola e se gata mai

Fakatokaga mo Faiakoga

A te Ekalesia Kelisiano Tuvalu e talitonu ki te fakamagaloga o agasala e alatu i te agaga o te loto malalo mo te salamo. Te fakamagaloga o tino mai i ana agasala ne tauto ne te Atua (Divine Promise) [Levi. 5:10; Sal. 103:3; 130:4; Ese. 18:22; Mat. 6:14; Male. 3:28; Gal. 5:31; 13:38; 26:18; Efe. 1:7; Iak 5:15; 1Ioa 1:9].

Te uiga o te muna "fakamagalo" i te Feagaiga Mua ko te: fakafolau io me ko te ave-keatea a agasala; ufi ke galo te agasala; tapale keatea mai te koga ne ola i ei te agasala; mo te 'fulu io me solo ke 'ma a agasala. I te Feagaiga Fou a te 'fakafolau' tela e uiga tasi mo te ave keatea o agasala se fakamunaga tela e lasi "fakamagalo" e fakamalosi ne ia ke ave keatea io me fakafolau te vaega o tou olaga masani tela e ola i ei te agasala (Luk 6:37 kae ke faka-avanoa te olaga o talia a faifaiga fou (Luk 7:43). A Tusi Tapu e fakaasi i ei te olaga mo te tulaga agasala o tino; kae fakaasi foki i ei te loto finafinau o te Atua o fakamagalo. A fekau kola ne folafola ne pelofeta, Iesu mo ona Soko e faka-autu katoa ki tino ke sala'mo ki olotou agasala kae toe foki ki te Atua.

I te Feagaiga Mua a te faiga o te tapuakiga e pela mo te ofo atu o taulaga sunu ki te Alike se faifaiga tela e fai ei se fakatokaga mo fakamagalo a 'sega mo tulaga se tonu o tino (Levi 4-5). Te faiga o

Tapu Eleni mo Tusi Tapu Epelu

Akoakoga:

E fakamatala mai ne Tusi Tapu me i te Atua ne fakaasi mai a Ia ne Ia loa e auala i te faipati mai, tela la, a fakamunaga penei: 'te muna a te Atua' io me ko 'te muna a te Alike' ne fakamuna taua i te Tusi Tapu me tena te auala ne fakaasi mai i ei a te 'kano loto mo manakoga o te Atua ki tino. I te Feagaiga mua ko te muna a te Atua ne faite ne Ia te lalolagi (Ken.1:3; 6:9); ko ana muna kola ne fai mo Tulafono (Eso.20:1); A pelofeta ne lagona ne latou a te leo o te Atua e faipati atu ki a latou (Isa.1:2; 6:8-10), me ia latou e lagona ne latou te 'muna' kae folafola atu ki tino (Iel.1:2). I te Feagaiga Fou a Iesu ne folafola te 'muna' (Male.2:2) a ko te Tala 'Lei a Iesu e taku ko te 'muna a te Atua' (Gal.4:31; 1Pet.1:23-25). I te sua faitu, a Iesu ko te 'Muna a te Atua'(Ioa.1:1, 14;) e pena o taku te Tusi Tapu ko te Muna a te Atua.

Mea fai a tama'liki

Tusi a igoa o Tusi Tapu i fenua o te Pasefika
Faitau te Tusi Tapu

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamaga-loga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga

Te Tamana, fakafetai mo te Tusi Tapu tela ko tau muna e akoako ki ei a matou ke iloa ne matou a koe mo tou 'kano loto mo matou. Fesoasoani mai ke fia'fia a matou o fai'tau a tau muna i aso katoa, amene.

VAEGA 7: TE OLA E SE GATA MAI

Tela la, ke maina ia tatou kae ke moa e loto fakalotolotolua me i te Alike ne fakataunu e iloa ana poloakiga mo ana muna ne fai. Kae ne toe foki a Ia ki tena Tamana e pela mo muna a te tusi. A te tusaga a taua tama'liki ke maina ia taua me i te fanakega o Iesu ka fakasoko ei mo te fakataunuga o te fakamoemoega o te Atua ki te fanaifoga o te Agaga Tapu. Ka foki mai te Alike o fakataunu a nisi fuafuaga a te Atua e pela mo akoakoga faka—Kelisiano mo te Takutonuga a te Ekalesia. E taua foki ia tatou tama'liki me ko mautinoa a te koga ka oko tatou ki ei tela ko te lagi. A te tusaga o tatou ke molimau atu ne tatou me i te Alike ne fanake ki te lagi o mafuta fakatasi mo te Atua.

Mea e fai ne tama'liki:

Tusi se palakalafa e tusa mo te mataupu, me sea tau mainaga ki te tala ko oti ne sautalagina ei te faiakoga fakatasi mo tama'liki.

Faitau Tauloto:

Luka 24.51 " ka koi fakamanuia a Iesu kia latou, kamata ei o masagi ake mai ia latou o fanake ki te lagi "

Pese: "This train is going to heaven. It's better get on this train"

Talosaga:

Te Atua te motou tamana faka-te-lagi fakafetai matou mo Iesu Keliso tela ne vau ki te lalolagi o fakataunu a mea kola e aoga kae taua mo matou. Fakafetai me ko oti ne fanake a Ia ki te lagi kae ko oti ne fakasino mai ne Ia a te auala ki te ola e se gata mai. I te igoa o Iesu Keliso e talo atu ei matou nei, Amene

ULUTALA 14: Iesu ko nofo i te faitu fakaatamai o te Atua

Pogai:

Ke akoako ki tama'liki a te talitonuga o te Ekalesia Kelisiano Tuvalu e uiga mo te nofo i te faitu fakaatamai o te Atua o fautua mo tino katoa

Te Talitonuga:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. *Ne toetu mai i te tolu o aso. Ne fanake ki te lagi, mai i kona*

ka vau a Ia o fakamasino a tino katoa, tino ola mo tino 'mate.

Fakatokaga mo te Faiakoga:

A te Ekalesia Kelisiano Tuvalu e talitonu ia Iesu e nofo i te faitu fakaatamai o te Atua tela e fakatino i ei a tona taua mo tena manumalo i tusaga kola ne vau o fai mo fakaola te lalolagi.

A te faitu fakaatamai ko te faitu taua o te Atua Tapu kae ne fakanofu ki ei a Iesu (Male.14:62;16:19-20). I te talitonuga o tino Iutaia a te faitu fakaatamai ko te faitu e fakamanuiagina. I nisi fakamatala konei e fakatalitonu i ei te manatu tenei: A Iakopo ne fakamauia ne ia a tona mokopuna ko Efalaima ki tona lima fakaatamai (Ken48:8-14); I te faka-satauloga a Iesu mo te tokolua pagota, ko te pagota i te faitu faka-atamai ne fakamagalo ne Iesu ana agasala (Lk.23.42). A Iesu ne fakaeke ki tr lagi ki te faitu fakaatamai o te Atua (Gal.2.32-34). A Iesu ko nofo i te faitu fakaatamai o te Atua o fautua mo tatou' (Lom 8.34).

Mea Akoga mo Fakamaina te Mataupu:

Ata o Iesu e nofo I te faitu fakaatamai o te Atua

Fakatomuaga:

Kai isi se taimi ne ita atu tou tamana kia koe kae ko koe ko onoono kise tino ke tuu mo koe ko te mea ko tou tamana kесе ita atu kia koe?

Akoakoaga:

Mai te tala e akoako mai kia tatou tama'liki me i te Alike ne sagasaga i te faitu fakaatamai o te Atua, tela ko te faitu taua o fautua mo te tagata agasala. Sa manatu fatauva ki te faitu fakamaui me e pule loa a te Atua i ana fakamanuiaga. Kae taua mo tatou tama'liki ke filifili ne taua a te faitu fakaatamai o te Alike i te ola se gata mai, ke maua ei ne taua a te manumalo mo te manuia i tou olaga tupu ake.

Mea e fai ne tama'liki:

Lomi te ata kae fakamatala ne tamaliki me se a tonu te uiga o te tala tenei.

Fuaiupu Tauloto:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki

kese'kese kola ne ola i ei i taimi kona.

I te Feagaiga Mua a te Atua ne faipati kae ne faite ne ana muna a mea katoa kona (Ken.1:3, 6, 9, 11, 14, 20, 24, 26). Ne folafola ne Ia a muna o te Tulafono (Eso.20:1). A Pelofeta ne faka'logo kae folafola ne latou a muna a te Atua kola ne faipati mai ne Ia ki a latou (Isa.1:2; 6:8-10), me ia latou ne tino fua e fakalogo kae faolafola a muna katoa a te Alike (Iel.1:2). I te Feagaiga Fou a Iesu ne lauga ne Ia te muna (Male.2:2), ko te Tala 'Lei a Iesu Keliso ko taku ko te Muna a te Atua (Gal.4:31;1Pet.1:23-25). Fakaiku loa ke taku a Iesu ko te Muna a te Atua (Ioa.1:1, 14; cf. Epe.1:2). Tena la, i loto i te Tusi Tapu, i te Feagaiga Mua mo te Feagaiga Fou, a te faipati mai o te muna ne te Atua se mea e tafasili i te taua.

A te Muana a te Atua ko te:

- Meakai faka-te-agaga a tino tali'tonu (Teu.8:3; Iop.23:12; Sal.119:103; Iel.15:16; 1Pet.2:2).

- Moli i te koga pouli (Sal.19:8; 119:105, 130; Fat.6:23; 2Pet.1:19). Malosi fakafoofogia tela e pela me'se:

Se afi tela e 'ka (Iele.5:14)

Samala tela e tuki ne ia ke palapala (Iele.23:29)

Se malosi e aumai ne ia te ola (Iele.37:7)

Se malosi tela e fakaola (Loma.1:16)

Te pelu (Efe.6:17)

E iloa ne ia a mafauauga 'loto o tino (Epe.4:12).

- E faka'ma ne Ia te olaga (Sal.119:9; Ioa.15:3; 17:17; Efe.5:26; 1Pet.1:22)

- E fakamatala ne Ia a mea ne tupu mo akoako a tatou (1Koli.10:11)

- E aumai ne Ia se fakamoemoegamo tatou (Lom.15:4) Ke iloa te poto e uiga mo te ola e se gata mai (1Ioa.10-11)

Mea A'koga mo fakamaina te mataupu:

Taumafai ke maua ne Tusi Tapu mai i nisi fenua

Fakaasi ki tama'liki a Tusi Tapu Epelu mo Tusi Tapu Eleni

Fakatomuaga:

Fakamaina ki tama'liki me i Tusi Tapu katoa loa ne 'fuli mai i te Tusi

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagalogaga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga:

Te Tamana, e 'moli atu te fakafetai lasi a matou mo tou alofa lasi mai mo matou i te mate mo te toetu o tau tama ko Iesu Keliso. Fesoasoani mai ke tumau te fakamasaua ne matou a Ia i taimi katoa e kai kae inu ei a matou, ona ko Iesu, amene.

VAEGA: 6 TE MUNA A TE ATUA

ULUTALA 27: Te Tusi Tapu

Pogai:

Ke maina a tama'liki i te talitonuga o te Ekalesia Kelisiano Tuvalu i te Tusi Tapu ko te Muna a te Atua.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagalogaga o agasala; te Ola mai faka-te-agaga; mo te ola e se gata mai.

Fakatokaga mo Faiakoga

A te Ekalesia Kelisiano Tuvalu e talitonu katoa i te Tusi Tapu ko te Muna a te Atua. Te Tusi Tapu (Onoono ki te Tausaga 13, Vaega 1 "Te Tusiga Tapu" Mataupu 1)

Te Muna a te Atua e fakauiga ki tusitusiga kola e fakatulaga me ko muna ne faipatigina ne te Atua, fakatasi mo muna a latou kola ne uga mai ne te Atua mo fekau fakapitoa a te Atua mo tino i olotou olaga

te tanuga. *Ne toetu mai i te tolu o aso. Ne fanake ki te lagi, mai i kona ka vau a Ia o fakamasino a tino katoa, tino ola mo tino 'mate.*

Pese: Fili mai te tusi pese

Talosaga:

Fakafetai te Atua me ko maina matou i tau muna. Ko fakamasaua mai kia matou a te taua o tou feitu fakaatamai, tela ko te feitu e nofo tumau ei a tau tama ko Iesu. Matou e talo ke fesoasoani mai koe kia matou ke mafai ne matou o filifili a te mea tela e loto kae finagalo koe ki ei, kae ke 'sao atu matou ki te ola se gata, Amene.

Ulutala 15: Te toe foki mai o Iesu

Pogai:

Ke akoako ki tama'liki ke maina i te talitonuga o te Ekalesia Kelisiano Tuvalu i toe foki mai o Iesu.

Talitonuga:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, *mai i kona ka vau a Ia o fakamasino a tino katoa, tino ola mo tino 'mate.*

Fakatokaga mo Faiakoga

A te Ekalesia Kelisiano Tuvalu e talitonu katoa ki te toe foki mai o Iesu Keliso e pela mo ana muna (Ioa.14:3) pela foki mo te molimau a agelu (Gal 1:11). A te muna Eleni *Parousia* e fakauiga ki te "toe-vau/toe foki mai" kae e fakasino tonu loa ki a Iesu tela ka toe vau io me toe foki mai (Mat 24:3,27,37, 39; 1Koli.15:25; 1Tes.2:19; 3:13; 4:15; 5:23; 2 Tes.2:1, 8; Iak.5:7-8; 2Pet.1:16; 3:4, 12; 1Ioa.2:28). A toe foki mai o Iesu (*parousia*) e fakaasi i ei te loto talitonu mo te fakamoemoe o Kelisiano ki a Iesu tela ka foki mai i se taimi mai mua, kae ka fai a Ia mo Famasino i te fakamasinoga fakaoti.

E penei "te toe foki mai o Iesu" (*parousia*). Ka toe foki mai a Iesu ka tupu i ei a mea konei: te toetu mai o tino 'mate katoa kola ne tausi te fakatuanaki ki a Iesu; te fuli o foitino o Kelisiano kola e ola; te fakamasi-

noga; te fakasalaga o tino agasala kola e seki salamo; a ko latou kola ne tausi te fakatuanaki ka ulu fakatasi mo te olotou Alike ko Iesu ki te Malo o te Atua o mafuta fakatasi i te ola e se gata mai (Ioa.14:2-3; 1Tes.4:13-17; Fil.3:20). Ko Ioa (14:3) fua e tusi i ei me ko Iesu loa ne fai mai i a Ia e toe foki mai, a ko Epelu fua loa (9:28) e tusi i ei me ka foki mai a Iesu i te fakalua. I Fakaasiga (19:11-16) e fakamatala i ei te toe foki mai o Iesu kae e taumafai o fakailoa mai me ko Iesu ne fakaasi ne Ia me i a Ia e vave oko mai, kae tenei ko tu i te mataloa.

Mea akoga mo fakamaina te mataupu

Ata napa: 181

Fakatomuaga

Tama'liki kai lavea ne koutou a tino fou mai te sua paneta, io me mai te sua lalolagi? E faigata tama'liki ke tupu se vaega mea penei i te lalolagi nei, kae mafai fua o tupu manafai ko te loto o te Atua. A te Lesona a tautou i te Aso Tapu tenei ko te tala e uiga mo te foki fakalua mai o Iesu ki te lalolagi. A te Aso ka foki fakalua mai o te Alike ko Iesu, ko te Aso o te gataga.

Akoakoga

Mai te lesona tela ko oti ne fakalogo'logo tatou ki ei tama'liki, ko fakamasaua mai ki a tatou me i te foki fakalua mai o te Alike ko te Aso o te gataga tena, io me ko te aso ka 'tae ei te lalolagi. A te Ekalesia e tumau o akoako ne ia a te mataupu tenei ko te mea ke ola a te fakamoemoe o tino katoa ki te Aso ka foki mai ei a Iesu i luga i kaumana o fakataunu a nisi finagalo o te Atua i tena fuafuaga. Tela la, e 'tau ke ola tatou tama'liki i se olaga faka-te-agaga. Ke moa e 'kese tatou mai te fakamoemoega ola a te Ekalesia mo te aso tenei ko te mea ke oko manuia tatou ki te sini o fakamoemoega.

Fuaiupu Tauloto: Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapuagatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, *mai i kona ka vau a Ia* o fakamasino a tino katoa, tino ola mo tino 'mate.

Pese: Fili mai te tusi pese

Talosaga

Ola mai faka-te-agaga; mo te ola e se gata mai

Fakatokaga mo Faiakoga

Te 'Kaiga Tapu io me ko te 'Kaiga a te Alike e fakauiga ki te 'Kaiga fakaoti a Iesu mo ana Soko ka koi tuai a Ia o mate. Te igoa *te 'Kaiga a te Alike* ne mafua mai i te tusi muamua a Paulo ki te Ekalesia i Kolinito (11:20). A tusitusiga faka-Sinopi e molimau me i te 'Kaiga tenei ko te 'kaiga a Iesu mo ona Soko i te Paseka (Mat.26:19; Male.14:16; Luk.22:13). I te 'Kaiga tenei o te Paseka ne fakatu ne Iesu a te uiga fou tela e fakamasaua i ei a te Alike ko Iesu Keliso i tona mate mo tena toetu.

Te 'Kaiga a te Alike se 'kaiga lasi tela e fai i ei te fakamanatuga o Iesu ne ona Soko, kae fakamuli ifo, a te 'kaiga tenei ko fai mo Sakalameta [kilo '*sakalameta*' mataupu 25 Vaega 5]. I te kamataga, a te 'Kaiga a te Alike e fakamanatu i ei te fakamoemoega me ko pili mai a te Aso e toe foki mai i ei a Iesu ki te lalolagi nei (Male.14:22-25; Luk.22:14-22; 1Koli.11:23-26 c.f. Ioa.6:35-59).

E seai ne tulafono me fakamasaua i te taimi fea a te 'Kaiga a te Alike, kae ke fai te 'kaiga tenei i taimi katoa e 'loto koutou ki ei (1Koli.11:25).

Mea A'koga mo fakamaina te mataupu:

Puke mai a ipu, falaoa mo mea kola e fai i ei te fakamanatuga ke 'kilo ki ei a tama'liki

Faitau a muna o te fakamanatuga ke lagona ne tama'liki

Fakatomuaga:

Ko oi te tamaliki ko oti ne kai i te 'kaiga tapu i te lotu o te fakamanatuga?

Akoakoga:

Te 'Kaiga a te Alike, e fakafoliga mai i kona a te Fakaolataga a te Atua, i te mate mo te toetu o Iesu. E fakamasaua foki i ei a Iesu mo ana akoakoga; ko te ata foki o te mafautaga a te Kautapu mo Iesu i te 'Kaiga Fiafia i te Malo o te Atua; te 'Kaiga tenei e kilo i te fakatuanaki o Soko ki te toe foki mai o Iesu.

Mea fai a tama'liki

Faka konisetai te 'Kaiga a te Alike

'Lomi te ata o Iesu e tofitofi a te falaoa

Lua, a tino e papatiso i te Ekalesia Kelisiano Tuvalu ko te fakamailogaga tena o te alofa tauanoa a te Atua. Te alofa tauanoa ko te alofa fakaola o te Atua tela ne auala mai ia Iesu. Te tino e papatiso e fakaasi i te fakatunaki tela ne aumai ei a tama'liki me ko talia ne Ia te Fakaolataga a te Atua ia Iesu mo ana fakasao mai i te masei io me ko te fakasalaga tela ko te tau i o te agasala.

Mea fai a tama'liki

'Lomi o Ioane te Papatiso i te vaitafe ko te Iolitana
Tama'liki ke fakamatala a tena papatisoga

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga

Te Tamana alofa, fakafetai mo tou atafai mai ki a matou. Ke takitaki a matou ne tou Agaga Tapu ko te mea ke se puli ia matou te taua o te fakamailoga o motou olaga mo koe; kae ke tuku katoa atu omotou olaga o tavini ki a koe, ona ko Iesu, amene.

ULUTALA 26: Te 'Kaiga Tapu

Pogai:

Ke akoako a tama'liki ke iloa ne latou te talitonuga a te Ekalesia Kelisiano Tuvalu me i te 'Kaiga Tapu ne fakatu ne Iesu e fakamasaua ei tona mate mo tena toetu ke oko ki tona toe foki mai.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; *te 'Kaiga Tapu e tasi*; te Tusi Tapu e tasi—ko te Muna a te Atua: te fakamagaloga o agasala; te

Fakafetai te Atua me ko maina matou i tau muna tela e fakaasi mai ei tau Palani mo te lalolagi katoa. Matou e talo ke fesoasoani mai koe kia matou ke mafai ne matou o 'kilo atu kia koe me ko koe fua ka tokagama-lie ei a omotou olaga. Ke fia'fia matou kae tali'tonu kia koe. I te Igoa o Iesu Keliso e talo atu ei matou nei, Amene.

Ulutala 16: Te Fakamasinoga

Pogai:

Ke fesoasoani ki tama'liki ke iloa ne latou a te talitonuga o te Ekalesia Kelisiano Tuvalu e uiga mo te fakamasino i te Aso Fakaoti.

Talitonuga:

Au e talitonu ki a Iesu Keliso, ko te Afutasi a te Atua, tela ko te Atua e iloa, ko te Fakaola e tokotasi. Tela ko te fakataunuga o valoaga a pelofeta. Ne fanau mai ia Malia te taupou. Ne liutino tagata. Ne puapua-gatia i te pule a Ponotio Pilato. Ne fakasataulogina, ne mate, ne tuku ki te tanuga. Ne toetu mai i te tolu o aso. Ne fanake ki te lagi, *mai i kona ka vau a Ia* o fakamasino a tino katoa, tino ola mo tino 'mate.

Fakatokaga mo Faiakoga:

A te Ekalesia Kelisiano Tuvalu e talitonu ki te fakamasino tela e fakamasino i ei a tino ola mo tino 'mate.

A te Fakamasinoga se mataupu i te Feagaiga Fou e fakamatala i ei a te Atua me ko te Mesia (Tama a te Tagata) ka fakasala ne Ia a tino amio ma'sei kae ka faka'sao ne Ia a tino amio'tonu. A fakamunamuna i te Feagaiga Mua e atagia i ei a manatu taua e uiga ki fakamasino kola e fai-patigina i te Feagaiga Fou.

I te Feagaiga Mua a te Atua ko Ia ko te famasino o te lalolagi katoa (Ken.18:25; Sal.9:7-8) e fakamasino ne Ia a tino takitokotasi (Ken.16:5) pela foki mo malo (Fam.11:27). A tusi tala o te Salamo e kilo ki te Atua ke avatu te tau i 'lei ki tino amiotonu takitokotasi (96:13), io me ki malo (110:6), ki tino mativa mo tino kola e fakapologagina (72:2-4; 103:6), mo te lalolagi katoa (96:13). Ia Ioelu.2:30-32 mo Malaki.4:5-6 e avake ne laua me ko tino katoa kola e salamo nei ka fakasaogina.

I te Feagaiga Fou, a tusi e tolu muamua loa o Evagalia, e faipati i ei a Iesu e uiga ki te oko mai o te fakamasinoga. Te fakamasinoga, te aso o

te fakamasinoga e tusi i a Mat.10:14; 11:22-24 mo te 12:36. E uke a tala fakatusa a Iesu (eg. Mat.18:23-35) pela foki mo ana faipatiga (eg. Male.10:17-25) e fakamalosi ne ia a tino ke sala'mo mai i olotou agasala kae a'lofa ki olotou tuakoi, ko te mea i taimi o te fakamasinoga ka sao ei latou o ulu ki loto i te malo o te Atua. Te fakaasiga a Mat.25:31-46 i te Tama a te Tagata io me ko te Tupu ka fakamasino kae vae ne ia a mae mai i kouti. I te Mat.19:28 a soko e tinoagafulu mo te tokolua ka fakamasino ne latou a Isalaelu. I te Evagalia a Ioane, a Iesu e faipati e uiga ki te fakamasino i se aso mai mua (5:28-29; 12:48) a ko Ia ko te fakamasino (5:22, 30).

I te "Aso o te Fakamasinoga" (2Pet 2:9; 3:7 mo 1Ioa 4:17) a te Atua ka fakamasino ne Ia te lalolagi (Gal.17:31; Lom 2:16; 1Tes 5:2-4; 2Tes 2:2; 2Tim 1:18; 4:1-8; 2Pet 3:10-12; Iut 6). A te Fakaasiga 14:7 e faipati e uiga ki te taimi e fai i te fakamasinoga. I tusitusiga kona e fai me ko te Atua te fakamasino a ko nisi e fai me ko Iesu. A Paulo e fai me ko Kelisiano ka fakamasino ne latou a te lalolagi (1Kol.6:2 cf Mat.19:28). A latou kola e ola i te amiotonu e fakamoemoe ki se fakatokaga 'lei mo latou (Lom 2:1-8; 2Koli 5:6-10 cf. Kal .5:16-21 pela foki mo Fak 20:12-13). E tokouke a tusi tala o te Feagaiga Fou e fai me i te fakamasinoga e tupu i taimi e oko mai i ei te Malo o te Atua (te Tama a te Tagata) kae ko pili, e mafai o tupu i so se taimi (eg. 1Tes.5:1-3; Iak.5:8-9; 1Pet.4:5,7, 17). A nisi tusi tala e fai i te fakamasinoga e kamata i te taimi e mate i ei te tino (Luk.16:1-9, 19-31; Epe.9:27).

Mea akoga mo fakamaina te mataupu

Ata o te Faamasino maluga, mo tino e 'tu i mua o te fono

Fakatomuaga

Tama'liki, kai lavea aka loa ne koulua a te tino e tu i mua o te Fono maluga!. A te tu i mua o te fono maluga e fakamataku ki so se tino. A te Lesona mo taua i te Aso Tapu tenei, ko te Aso fakamasino o te Aliko.

Akoakoga

I te lesona ko oti ne fakalogo'logo tatou ki ei tama'liki ko toe fakamasaua mai kia taua me e isi se aso ka fakamasino ei taua ne te Atua e tusa mo mea e fai ne tatou i te olaga nei. Mai fakamatalaga o te mataupu fai mai me i te Aso Fakamasinoga o te Atua ka fakataunu e iloa e pela mo tena fuafuaga. Ka fakamasino ne Ia a tino katoa. Tela la, e taua ke maina ia taua tama'liki, me i te Aso Fakamasino ka maua ei ne tino amiotonu a te

te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi-ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai (Mat 3: 1-17)

Fakatokaga mo Faiakoga

A te Sakalameta se faifaiga lavea e pela mo te 'Kaiga a te Aliko mo te Papatisoga, tela e fakasino tonu ki galuega fakaola a te Atua tela ne auala mai i tona alofa ia Iesu.

Te muna *Papatisoga* se muna Eleni tela e fakauiga ki te *ufi ki te vai mo fulu ke 'ma a lailaiga*. A te papatisoga tena, e pela foki mo te papatisoa a Ioane te Papatiso, e fakasino ki te taimi mai mua tela ka 'mate i ei a te 'fakaola' (Iesu) kae maligi a tona toto mo fakamagaloga a agasala.

I aso nei, te Ekalesia Kelisiano Tuvalu e papatiso ki te igoa o te Tamana, te Tama mo te Agaga Tapu (Mat 28: 19) a ko te vai tela e fakaaoga ko te fakatusa o te toto o Iesu. A te papatisoga tena e fakamailoga i ei a te tuku atu o tou olaga i te fakatuanaki ki a Iesu, kae ko te fakamailogaga foki o te alofa tauanoa o te Atua. Te faifaiga tenei e fakaasi i ei, i te vai e se mafai ne ia o faka'ma a tino mai i ana agasala a ko te talia o Iesu i te fakatuanaki e magalo ei a tatou (Gal 18: 25; 19: 4). A te vai ko te failoga lavea o te galuega se lavea o te alofa fakaola o te Atua ia Iesu.

Mea Akoga mo fakamaina te mataupu:

Te ata o Ioane te Papatiso e papatiso a tino i te Iolitana

Te ata o tama'liki e papatiso i Tuvalu i aso nei

Fakatomuaga:

Tama'liki, se a te 'kese o te papatisoga ne fai ne Ioane te Papatiso mo te papatisoga tela ne fai ki a koe?

Akoakoga:

A te tino e papatiso i te Ekalesia Kelisiano Tuvalu e penei a tulaga ka fakaeke ki ei. Tasi, ko fakamailoga a tona olaga mo Iesu; ko tona uiga, a ia ko lotomalie o tuku atu a tona ola ki a Iesu. A kafai a ia se tamaliki, ko ana matua i te la pule mo te la fakatuanaki e ave ei ne laua a tama'liki ke fai mo fanau a te Aliko. A ko te tusaga e fai ne laua ko te akoako ake te tamaliki i akoakoga faka-Kelisiano ke oko ki taimi e matua ei, tela ko mafai ne tama'liki o fai a tena pule ki tena olaga; e tena te tusaga o matua i te taimi e ola ake ei te tamaliki i la tafa.

Fakatomuaga:

Koi te tama'liki ko oti ne fakalogo'logo ki pulepulega a te Malo o Tuvalu i taimi e fai ei te Fono Palamene i te Vaiaku Falekaupule?

Akoakoga:

Te Malo o te Atua e fakamalosi ne Ia a akoakoga kola e fakaola, fakafou, fakalei mo te fanau-fou o tino katoa i te talia ne latou a Iesu, tona mate mo tena toetu, ko te mea ke fetau i olotou olaga mo manakoga o te Malo o te Atua.

Mea fai a tamaliki

Lomi te ata o te loto o tino me e tena te koga tela e manako a te Malo o te Atua o fakatu a tena pulega i ei.

Lomi o Iesu mo tena fualiki faka-tupu

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatissoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga:

Te Atua te motou Tamana, ke oko mai a tou Malo ko te mea ke fai te mea e loto Koe ki ei i lalo nei e pela mo faiga i te lagi kae ke pule foki i omotou loto i aso katoa, amene.

VAEGA 5: PAPTISOGA**ULUTALA 25: Te Failoga mo te Fakamailogaga o te Fakaolataga****Pogai:**

Ke fakamaina ki tama'liki a te talitonuga o te Ekalesia Kelisiano Tuvalu e talitonu i te papatisoga se failoga mo te fakamailogaga o te alofa tauanoa o te Atua

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko

taui 'lei tela ko te ola se gata mai, ka mafuta fakatasi mo te Aliko i tena Palataiso, kae ko tino agasala ka tu latou i te fakasalaga ke oko ki te se gata mai.

Mea fai a tama'liki: Fakatu se tala/Koneseti e fakamasaua ei a te Lesona

Fuaiupu Tauloto:

Luka 10.14

Pese:

'Read your Bible, pray every day' io me fili mai te tusi pese

Talosaga

Te Atua te motou tamana faka-te lagi. Fakafetai mo tau fakatokaga mo matou i aso takitasi o omotou olaga. Fakafetai me ko maina matou i tau muna, kae maise ko iloa tonu ne matou me e isi se aso ka fakamasino ne koe a omotou mea ne fai i te olaga tenei. Talo atu matou ke fesoasoani mai koe ko te mea ke mafai ne matou o ola i se olaga fakalogo kae usiusitai ki omotou matua pena foki kia koe te tamana faka-te-lagi, ka 'sao ei matou mai tau fakamasinoga.

VAEGA 3: TE AGAGA TAPU**ULUTALA 17: Te Okomaiga te Agaga Tapu i te Aso Penetekoso****Pogai:**

Ke akoako a tamaliki ke maina i te talitonuga o te Ekalesia Kelisiano Tuvalu e uiga mo te Agaga Tapu e pela mo tena oko maiga i te Aso Penetekoso.

Talitonuga:

Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofa tela ne oko mai i te Aso Penetekoso, tela ko tou fesoasoani i aso katoa.

Fakatokaga mo Faiakoga:

A te Ekalesia Kelisano Tuvalu e talitonu ki te Agaga Tapu tela ko te Atua e iloa, tela ne oko mai i te Aso Penetekoso ki tino tali'tonu katoa.

Te Penitekoso i te Feagaiga Mua ko te kaiga fiafia o te Katiga o Saito tela e fakamasaua i te va o te Paseka mo te Kaiga Fiafia o te Tapaneko (te Kaiga Fiafia o te Faletapu Ave Sale i Malaga) [Eso.23:16; 34:22]. Te Kaiga Fiafia o te Katiga o Saito e fai i ei a tapuakiga fakafetai ki te Atua mo taukai, tela e ave i ei a fuataga lei o fatoaga ke ofo mo fai a taulaga.

Te Aso Penetekoso i te Feagaiga Fou ko mafuli te pogai ne fakatu i ei, kae ko fakamasaua i ei te tukuga o Tulafono ki a Mose i te Mauga o Sinai (ona a te va o te okoga ki Sinai mo te paseka muamua e limasefulu aso) pela foki mo nisi faifaiga faka-lotu.

Te okomaiga o te Agaga Tapu ne fakamailoga ki te matagi malosia tela e gulu mai i te lagi. Ne oko ki te fale tela e nofo i ei a soko te laumatagi tena. I kona foki loa, lavea i ei ne latou a ulaga afi e pela mese alelo e patele ki luga i ulu o soko, tena ne faipati i ei a latou ki `gana kese`kese.

I te tusi faitau, a Ielusalema ko fonu i tino kola ne aumai o fakamasaua te Penetekoso (te limasefulu aso mai tua o te Paseka) kae fetau loa mo te okomaiga o te Agaga Tapu. E tenei te meaalofoa a te Tamana e auala ia Iesu mo fesoasoani ki ona soko pela foki ki tino katoa i te folafolaga o te Tala `Lei.

A te Agaga Tapu se malosia e fakafoofogia io me ko te iai o te Atua ia tatou takitokotasi, io me i luga i fakapotopotoga a tino tokouke, kae e ave ne ia te fai mea mafai mo te saolotoga ki tulaga o te malosia kese`kese kola e se mafai o maua ne tino i te olaga masani. E tena te Agaga Tapu tela ne oko mai i te Aso Penetekoso ki te kau Apositolo (Gal 2:1-42) kae maopopo a latou i Ielusalema. Ne lagona ne latou te gulu malosia o te matagi i te lagi (f.2) kae e isi ne mea e pela me ne alelo i luga i Apositolo, tela fonu ei a latou i te Agaga Tapu kae faipati ki `gana kese`kese – ko `gana a tino Iutaia kola ne aumai mai i feitu e fa o te lalolagi o tapuaki i Ielusalema. Te Apositolo ko Petelu ne fakaasi ne ia me i te mea tenei ko te fakataunuga o te valoaga a te pelofeta ko Ioelu (2:8-32). Ana muna me ko oko ki aso fakaoti ia Iesu ko oti ne toetu mai i te mate, tela ko tau o sala`mo a tino katoa ki olotou agasala. Mai i te lauga tena a Petelu e toluafe (3000) a tino ne faopopo ki tino tali`tonu.

o taku te igoa o te Atua tena ko fakaaoga i ei te lagi mo sui te igoa o te Atua.

A te mataupu e uiga ki te Malo o te Atua ne atagia i tusitusiga fakapelofeta i te Feagaiga Mua kae faipatiga ki taimi mai mua tela ka pule ei te Atua kae fakatu a tena pulega i te lalolagi nei (Ope.21; Hak.2:21-23; Sak.14:9). Ona ko te tulaga tena, a tino o te Atua ka se toe fakapologagina ne nisi malo. A nisi tusi tala e kilo ki te tulaga fou tena ka aumai ne ia te olaga filemu ki fenua katoa kae ka fakapatonu ne latou a te Atua ko te Aliki Malosi (Isa.2:2-4; 19:19-24; Mik.4:1-3; Sak.14:8-9). E isi ne tusi tala e fai me i aso mai mua ka ola filemu a tino katoa kae ka se mafai ne manu fe`kai o tamate kae kai a manu `lata i te Malo Filemu tena (Isa.11:6-9; 65:17-25; Hos.2:18; cf. Ese.34:25-28) A nisi tusi tala e fai me ia Tavita io me se tino mai i tona gafa ka vau o pule pela me se tupu io me se Mesia i se taimi mai mua (Isa.9:7; 11:1-5 Iel.30:9; Ese.34:23-24; 37:24-26; Amo.9:11cf. Hag 2:20-23).

E isi foki ne tusitusi e fakapatonu ne latou i te Atua e pule loa nei e pela mo te tausi mai i aso takitasi ki ana mea katoa ne faite. I te faifaiga tena e fakataunu ei a te mea e loto a ia ki ei (Iop.38-39; Sal.104; 105; 107; Isa.45:1-13; Tan 4:17; Ioa.1-4). A te Atua e tupu kae pule i talatuku-fakasolopito o Isalaelu mo malo katoa (Sal 22:27-28; 47:95-99; Tan 4:3, 34-35). Te pulega a te Atua e lavea i te fakamasino ne Ia o Isalaelu, Iuta mo nisi malo (Iel.1-11; Ese.12-16; Amo.1:3-4:13).

A tusi tala o te Feagaiga Fou e fakapatonu ne latou me ia Satani (te tiapolo) ia (Mat 4:8-9, Lk 4:5-6, Ioa 12:31, 14:30, 1Koli 2:8, 15:24-27, 2Kolio 4:4, 1Ioa 5:19) se malosia tela e teke ki te fakatuga io me ki te oko mai o te Malo o te Atua. A masaki mo famai e fakamafua ne Satani mo agaga ma`sei (Male 1:32-34, 3:7-27, 9:17-29) e taumafai o faka`se a tino fakatuanaki (Mat 13:19, Luk 22:31-32, 2Koli 4:4) Ne taumafai foki o fakaosooso Iesu ko te mea ke se taunu a tena galuega.

Akoakoga a Iesu e fakakogaaloto katoa loa ki te Malo. E molimau foki a tusi tala o te Sinopi me i te oko mai o te Malo se mea lasi tela e taunu i se taimi mai mau (Mat 4:17, 6:10, 10:7, Male 1:14-15, 9:1, Luk 10:8-12, 11:2, 21:31).

Mea Akoga mo fakamaina te mataupu:

Fakaasi a ata o te Falefono o te Malo o Tuvalu tela e fai i ei a pulepulega a tino pule o te malo.

ko oti ne olo atu ki sua olaga i galuega `lei kola ne fai ne latou mo te Tala `Lei.

Mea fai a tama'liki:

Fakamatala ne tama'liki a mea ne lavea ne ia i tona fenua i taimi o te mafutaga a fafine

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te `Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga:

Te Atua te motou Tamana e fakafetai a matou mo te mafutaga a te Kau-tapu tela ko fai mo fakamalosiga ki omotou loto fakatuanaki pela foki mo te olaga tavini o matou. Fesoasoani mai ko matou ke ola mafuta mo koe i aso katoa, i te igoa o Iesu, amene.

ULUTALA 24: Te Malo o te Atua

Pogai:

Ke fakamaina ki tama'liki a te talitonuga o te Ekalesia Kelisiano Tuvalu i te Malo o te Atua ko te pulega a te Atua tela e manako ke pule ne Ia a `tou loto.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, mo te mafutaga a te Kau Tapu. *Au e talitonu ki te Malo e tasi o te Atua*; te Papatisoga e tasi; te `Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai

Fakatokaga mo Faiakoga

Te Malo o te Atua e fakauiga ki te "Pulega a te Atua" io me ko te koga e fai i ei a te "Pule a te Atua" io me ko te "Loto o te Atua." Te tusi tala ko Mataio e fakaaoga ne ia te Malo o te Lagi ona me se mafai ne tino Iutaia

Mea akoga mo fakamaina te mataupu:

Ata o te Agaga Tapu e foliga ki alelo

Fakatomuaga

Te Agaga Tapu kote Atua loa tela ne oko mai ite taimi ote Penitekoso

Akoakoga

Te okomaiga o te Agaga Tapu i te aso Penetekoso ko te ata fakaasi o te kaufakatasi o te Atua mo tino, kae fakamaumea ne ia a olaga o tino tali'tonu ki te malosia o te Agaga Tapu mo fai te galuega. Ona ko te faitu tena, ne fai i ei ne tino tali'tonu a galuega fakafoofogia kola e se maua o fai ki malosia masani o tino i te olaga nei.

Fuaiupu Tauloto: Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofoa tela ne oko mai i te Aso Penetekoso, tela ko tou fesoasoani i aso katoa.

Pese

Come Holy Spirit Ineed You io me filii mai te tusi pese

Talosaga

Fakafetai te Aliko motou alofa kia matou fanau e auala ite ugamaiga ne koe tou Agaga Tapu o fesoasoani kia matou, Amene.

ULUTALA 18: Te Agaga Tapu ko tou Fakatapuga

Pogai:

Ke fakailoa faka'lei ki tama'liki a te talitonuga o te Ekalesia Kelisiano Tuvalu ki te Agaga Tapu tela ko tou fakatapuga

Talitonuga:

Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofoa tela ne oko mai i te Aso Penetekoso, tela ko tou fesoasoani i aso katoa.

Fakatokaga mo Faiakoga:

Te Ekalesia Kelisiano Tuvalu e talitonu me i te Agaga Tapu tela ne oko mai i te Aso Penetekoso ko tou fakatapuga. Te fakatapuga e fakauiga ki te faifaiga tela ne fai mo fakatapu a tino ki galuega fakapitoa a te Atua i

aso o te Feagaiga Mua ki te vai mo toto o manu, kae i te Feagaiga Fou ki te fakaolataga a te Atua ia Iesu, fakatasi i ei mo te okomaiga o te Agaga Tapu i te Aso Penetekoso. Ko fai a te faifaiga tenei ki tino tali'tonu katoa ona te olotou Atua e tapu (Lev.19:2; 20:26 c.f. 1Pet.1:15-16 kae e tau ke fakamalosigina a olotou olaga ke oko a latou ki tulaga o te katoatoa Mat.5:48). Mai i te pogai taua tena, ko tau ei ke fakatapu a ola o tino tali'tonu katoa mo te galuega a te Atua Tapu.

I taimi o te Feagaiga Mua a tino e tau o fakatapu a olotou olaga (foitino) mafai e olo ki mua o te Atua (Eso.19.22-24). Tena la, ko fakaaoga i ei te vai o apapi ki luga ia latou mo olotou faka'ma (Num.19:9-22). E mafai fua ne tino Isalaelu o tausi te igoa o te Aliko ke tapu pela foki mo olotou olaga, i te fakamaoni a latou o tausi a Tulafono a te Atua Tapu (Lev 22:31-32). Te olaga fai agasala o Isalaelu i taimi o te tafeaga ki Papelonia mo taimi mai tua ifo a ko Esekielu i ei ko te pelofeta, tena ne fakatapu ei ne ia a tino e auala i te fakatonuaga a te Aliko i faifaiga konei e tolu: tasi, e faka'ma ki te 'ligi ki vai (36:22-27), te lua, ka tuku atu ne te Atua se loto fou ki a latou (11:19; Iel.31:31-34), te tolu, te Agaga o te Aliko ka nofo i loto i olotou loto. I te faifaiga tena ko tapu ei a olaga o tino kae ka mafai ne latou o fai te loto o te Atua.

I te Feagaiga Fou a tino e fakatapu ki te talia ne latou a te Fakaolataga a Iesu Keliso (2Tes 2:13). A Kelisiano ka fakatapu e pela me ne faletapu a te Aliko (1Koli.6:11, 20; Efe.2:21; 1Pet.2:9) kae ko fai a latou mo tino tapu i te fakatapuga (1Koli.1:30; Efe.5:26; 1Ioa.2:20). I te Luka.24:49 e tau mo soko o faitali i te fakai (Ielusalema) ke oko mai te meaalofo a te Atua tela ne auala mai ia Iesu ko te Agaga Tapu tela e maua ei ne latou te malosi (Gal.1.4-5, 8; 2:4, cf Ioe.2:28; Isa.32:15; Ese.39:29). Ne lavea i luga i soko a mea pela me ne alelo afi tela ne fonu ei a latou i te Agaga Tapu. A te Agaga Tapu i tino tali'tonu ko te fakaasiga o te olaga ko fakatapugina mo te Atua (Lom.15:13, 16; 1Koli.2:13) kae fakamalosigina, akoako kae takitaki ne te Agaga Tapu i te faiga o te galuega a te Atua.

Mea akoga mo fakamaina te mataupu:

Ate o te Agaga Tapu e foliga ki alelo afi I te tusi ko galuega

Fakatomuaga:

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, ko te Ekalesia faka-Apositolo, *mo te mafutaga a te Kau Tapu*. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi; ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Fakatokaga mo Faiakoga

Te Kautapu e fakasino ki Kelisiano io me ko te Kau-Fakatuanaki kola ko tino o Ekalesia kola ko te Foitino lavea o Iesu Keliso. A latou e mafuta i te tasi o latou katoa loa e auala ia Iesu Keliso te olotou Fakaola.

I te Feagaiga Mua a te Kautapu e fakamuna ki te Fenua Filifilia, ko Tino o te Atua io me ko te Fenua Tapu o te Atua (Eso.6:7; Num.23:9, Teu.4:37; 2Sam.7:23; Sal.135:4; Isa.43:1; 45:4). I te Feagaiga Fou a te Kautapu e fakaigoa foki ki *tino filifilia a te Atua* [the elect] (Mat.24:22; Luk.18:7; Lom 8:33; 2Tim.2:10; 1Pet.1:2); ne tino filifilia [chosen ones] (1Koli.1:26; Efe.1:4; Iak.2:5; 1Pet.2:10); *Tino tali'tonu* (Ioa.2:22; 4:53; 7:31; 8:30;10:42; 12:42; 17:8; Gal.9:42; 16:34; 17:12; 19:18; 24:14; Lom 4:18; 2Tim.1:12); *Tama Tagata a te Atua* (Mat 5:9; Luk 20:36; Lom 8:16, 21; 9:26; 1Ioa 3:10); *Tama'liki a te Atua* (Ioa 1:12; Lom 8:14; Kal.4:7; Fili.2:15;1Ioa.3:1); *Tama'liki o te Mainaga* (Luk 16:8; Ioa.12:36; Efe.5:8; 1Tes.5:5) *Suitonu* [heirs of God](Kal 3:29; Tit 3:7; Epe.1:14; 6:17).

Mea Akoga mo fakamaina te mataupu:

Ko ata o te (camp) mafutaga a Talavou i Fetuvalu

Ko ata o te mafutaga a fafine o Ekalesia Kelisiano o te lalolagi

Fakatomuaga:

E isi se tamaliki ia koutou ne nofo i tona fenua i te faiga i ei a te Mafutaga a Fafine? Se a te mea taua ne lavea ne koe i ei?

Akoakoga:

I loto i mafutaga a Ekalesia kola e tali'tonu ki a Iesu e maua i ei te toka o olotou loto me tiga ne tino mai i fenua kese'kese o te lalolagi kae e tasi a latou me ko Iesu te olotou Aliko Fakaola, a ko te olotou fakatuanaki ki a Ia e laugatasi ei a latou. E maua foki ne latou te fakamalosiga tafasili i te lasi mai i akoakoga kola e maua ne latou mai i olaga o te Kautapu kola

Ko ata o Apositolo
Te mape tela e lavea a koga ne oko ki ei a malaga fakamisionale a Paulo

Fakatomuaga:

Fesili ki tama'liki me tokofia a Apositolo ne filigina ne Iesu, ko oi foki a olotou igoa? Toe fesili ki tama'liki me ne fili pefea a Paulo ne Iesu?

Akoakoga:

A te Tala 'Lei a Iesu e talai kae fakasalalau ne Apositolo io me ko Avefekau a Iesu, e pela loa mo te fakatonuga a Iesu (Mat 28: 20). Ko akoakoga a latou kae fakasilisili ko te fakataunuga ne latou te fakatonuga a te olotou Aliko mo te olotou Faiakoga ko Iesu konei ko fai mo fakasino ala ki a tatou mo tena galuega i aso nei (Efe 2: 20).

Mea fai a tama'liki

'Lomi ki te mape o Asia Foliki a te malaga muamua a Paulo kae tusi mo mea taua ne tupu i fakai takitasi.

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Pese: Fili mai te tusi pese

Talosaga

Fakafetai te motou Tamana mo Apositolo loto 'lasi kae loto ma'losi kola ne fakatakato ne latou te fakavae o te Tala 'Lei e pela loa mo akoakoga a koe Iesu Keliso. Ke fakamanuia ne koe a Apositolo o aso nei ke ga'lua a latou mo loto finafinau mo te atiakega o tau Tala 'Lei i te motou Atufenua nei, amene.

ULUTALA 23: Te Mafutaga a te Kautapu

Pogai:

Ke fakamatala ki tama'liki a te talitonuga o te Ekalesia Kelisiano Tuvalu e uiga mo te mafutaga a te Kautapu.

E iloa ne koe fanau me kote Agaga Tapu ne tuku mai nete Atua kote mea ke tapu tatou I ona mua kae ke mafai foki ne tatou o ola ite olaga Tapu e auala I tena fesoasoani.

Akoakoga:

A tou olaga e tau o fakatapu me i te Atua e tapu; a ko te failoga o te fakatapuga tena o tatou ko te Agaga Tapu tela ko te malosi fakafoofogia tela e fakatino i ei te iai o te Atua ia tatou. Ko tena uiga i ei, a tou olaga ka takitaki ne te Agaga Tapu ki mea kola e tau o fai kae aumai ne Ia te malosi mo fai.

Mea fai a tama'liki:

Lomi te ata o te Agaga Tapu e foliga ki te alelo I te tusi ko Galuega

Fuaiupu Tauloto: Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofa tela ne oko mai i te Aso Penetekoso, tela ko tou fesoasoani i aso katoa.

Pese: Sweep over my soul, sweep over my soul io me fili mai te tusi pese

Talosaga:

Te motou Tamana i te lagi, e fakafetai matou mo tou alofa aua mo te ugamaiga ne koe e se gata fua o fesoasoani kia matou kae mo te motou fakatapuga.

ULUTALA 19: Te Agaga Tapu ko te Sui o Iesu

Pogai:

Ke akoako ki tama'liki ke maina a latou i te talitonuga o te Ekalesia Kelisiano Tuvalu e uiga mo te meaalofa tela ne auala mai ia Iesu Keliso kae e fesoasoani o fakamasaua mai a akoakoga a Iesu.

Talitonuga:

Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofa tela ne oko mai i te Aso Penetekoso, tela ko tou fesoasoani i aso katoa.

Fakatokaga mo Faiakoga

A te Ekalesia Kelisiano Tuvalu e talitonu i te Agaga Tapu ko te sui o Iesu

Keliso tela ne vau o fesoasoani ki tino tali'tonu katoa.

A te Agaga o te Atua ne papatiso ne Ia a Iesu ki te malosi faka-Mesia (Isa.11:2; 42:1; 61:1; Mat.3:16; 12:28; Male.1:10; Luk.3:22; Luk.4:18; Ioa.1:32; Gal.10:38). Te ata tena e lavea i ei te ga'lue fakatasi o te Atua Tolu Tasi Tapu i te fakavaega o te fakaolataga mo tino katoa. Ne fakaasi foki ne tusi tala o te Feagaiga Fou i te Agaga Tapu ko te meaalofa a te Atua e auala ia Iesu (Ioa.14:26; 15:26; 16:7 Gal.1.4-5; cf Isa.32:15; Ese.39:29); e se gata fua i kona, kae ko fakaasi foki ne tusi tala i te Agaga Tapu e fakamasaua ne Ia a muna a Iesu (Ioa.14:26) kae fakapatonu foki ne ia a Iesu Keliso (Ioa.15:26); ka vikia foki a Iesu i galuega a te Agaga Tapu (Ioa.16:14). I loto i faipatiga kona a Iesu, e fakapatonu i ei i te Agaga Tapu e sui ne ia a Iesu i te fakasokoga o te galuega alofa a te Atua ki tino kola e talia ne latou te Tala 'Lei. E fakapatonu i ei a muna a Iesu ki ona soko me ka se tuku tiaki ne Ia a latou kae ka fakatasi faeloa a Ia mo latou ke oko loa ki te gataga (Mat.28:20e; Ioa.13:1; 14:18 [Isa.54:10; Ios.1:5 c.f Epe.13:5e] "*Ka se tuku ne Au a koutou ke fakaalofa, kae ka toe vau Au ki a koutou*") (Ioa.14:18). I aso nei a Iesu e galue kae ola i loto i tino talitonu katoa e auala i te Agaga Tapu.

Akoakoga

A Iesu ne seki manako o tuku tiaki a latou kola e tau'tali i a ia, tela ne uga mai ne Ia te Agaga Tapu ke faka'soko ne Ia a tena galuega fakaola, e tena te mea e se manava'se io me ma'taku ei a tatou i tou olaga fakatuanaki, me ia Iesu e fakatasi faeloa mo tatou i taimi katoa.

Fuaiupu Tauloto:

Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofa tela ne oko mai i te Aso Penetekoso, tela ko tou fesoasoani i aso katoa.

Pese:

'My sins are flowing like a river when my Lord sanctify me'

Talosaga

Fakafetai te Aliko ite ugamaiga ne koe te Agaga Tapu ke fai mo sui o koe Iesu, Amene.

ULUTALA 20: Te Agaga Tapu te tou Fesoasoani

Ola mai faka-te-agaga; mo te ola e se gata mai.

Fakatokaga mo Faiakoga

Te uiga o te muna Eleni *apositolo*—Apositolo ko te *avefekau*. I te Feagaiga Fou a Apositolo ko tino kola ne filifili ne Iesu ke folafola ne latou a te Tala 'Lei, kae ne fakatasi a latou mo ia i tena nofoga i konei; a ko olotou igoa e tusi i te Mat 10: 1-4. I te salaga o te sui o Iuta (Gal 1: 15-26) ne lavea i kona a te vaega tino e tau o fai mo Apositolo. (1) Se tino e katoatoa a tena iloa ia Iesu mai te kamata o tena galuega ke oko ki taimi ne ave ei ki te lagi (2) Ne filifili ne Iesu (3) E ia latou te malosi o fai vavega (4) E fonu i te Agaga o te munatonu (Ioa 16: 13) (5) E galue o tausiga (defend) a te munatonu mo ati a te Ekalesia te foitino o Iesu.

A Apositolo ne fili mai i tino seki a'koga kae e se taulia foki. Ne tino faika a te tokoukega o latou a ko nisi ne soko o Ioane te Papatiso, kae e isi foki ne taina tonu o Iesu ia latou. Ne uga ne Iesu ke olo takitokolua o folafola te salamo mo te fai o vavega (Mat 10; Luk 9). Ne tautali ia Iesu kae lavea ne latou ana galuega 'lei, ne lagona ne latou ana akoka, ne talia ne latou a Iesu me ko te Keliso a te Atua, tela e nofo mo te malosi lasi (Luk 9: 54). Tiga loa a faitu kona, a soko ne feagai mo latou a faigataga i te faiga o te galuega.

I te Aso Penetekoso ne oko atu ki luga i Apositolo fakatasi mo te lukuga o tino tali'tonu io me ko te Ekalesia a te Agaga Tapu tela ne 'fuli ei ne ia a tino konei ke 'kese, ko fonu i te malosi mo te 'mana o te Atua, tela ne ola malosi te Ekalesia i te kamata.

Te Ekalesia ne kamata i Ielusalema mai i takitakiga a Apositolo (Gal 3-7) kae ne lagona kae lavea ne tino te malosi fakafoofogia o te galuega a Apositolo (Gal 5:12ff). Ne mua loa o teka ki tua i Samalia te talaiga (Gal 8:5-25) ki te koga ne mua o toki i ei ne te Aliko te fua o te Tala 'Lei. Te takitaki takutakua o te vaitaimi tena ko Petelu.

Te lua o Laumua o te Tala 'Lei ko Anitioka tela ne fakatu mo ave te Tala 'Lei ki fenua fakatea. Te Ekalesia i taimi nei ko aofia i ei a Iutaia mo tino o fenua fakatea a ko te galuega ko fakaaotu ki a Paulo. Te vaega e tolu o te galuega fakaaositolo ko fakapogai katoa ki a Paulo mo ana malaga talai ki Asia mo Loma; a ko seai ne tala e uiga ki nisi Apositolo.

Mea Akoga mo fakamaina te mataupu:

mataupu e uiga ki te Atua tapu tela ko te Tufuga, te Atua Fakafoofogia, te Atua Tafasili i te Malosi mo tena Malo Amiotonu kae Faimeatonu, pela foki mo tena Alofa Fakaola ia Iesu tela e tasi ei a latou katoa kola ko fakaolagina. E tena te pogai e taku ei te Ekalesia e tapu. I te sua feitu, a tino o te Ekalesia e tapu a olotou olaga i te soko tasi mo Iesu (Lev 19: 2; Mat 5: 48; Lom 12: 1).

Mea fai a tama'liki

Lomi te ata o Iesu tela e taofi ne Ia te lalolagi i ona lima
Lomi a ata o tino mai i fenua katoa o te Pasefika kola e piki-lima fakatasi

Fuaiupu Tauloto:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te Ola mai faka-te-agaga; mo te ola e se gata mai.

Pese

We are one big happy family, God's family (Tatou te kaiga lasi fiafia, te kaiga o te Atua)

Talosaga

Te motou Tamana, fakafetai mo tau Ekalesia Tapu e Tasi tela e aofia i ei a tino katoa; tela e fakavae ki te fakaolataga ne fai ne tau Tama Tapu e tokotasi ko Iesu. Fakatapu mai a matou mo koe tokotasi, i te igoa o Iesu, amene.

ULUTALA 22: Te Ekalesia faka-Apositolo

Pogai:

Ke fakamaina ki tama'liki a te talitonuga o te Ekalesia Kelisiano Tuvalu me i Ekalesia e fakavae ki akoakoga a Iesu kola ne akoako kae talai ne Apositolo ki te lalolagi katoa kae ne kamata atu i Ielusalema.

Te Talitonuga:

Au e talitonu ki te Ekalesia tapu e tasi, tela e aofia i ei a fenua katoa, *ko te Ekalesia faka-Apositolo*, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te

Pogai:

Ke akoako ki tama'liki ke iloa ne latou te talitonuga o te Ekalesia Kelisiano Tuvalu e uiga ki te Agaga Tapu me ko tou fesoasoani.

Talitonuga:

Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofo tela ne oko mai i te Aso Penetekoso, tela ko tou fesoasoani i aso katoa.

Fakatokaga mo Faiakoga

Te Ekalesia Kelisiano Tuvalu e talitonu i te Agaga Tapu ko tou fesoasoani tela ka kaufakatasi tatou i te olaga fai-mo-soko fakatasi i ei mo tiute mo tusaga kola e aofaia i te olaga tautali ia Iesu.

A te muna *fesoasoani* i te Ioane (14:26) ne 'fuli mai i muna Eleni tela e fakauiga ki te *counsellor* i te 'gana pa'lagi kae i tou 'gana ko te tou fesoasoani, tela e fesoasoani o fakatonutonu, faka'tonu, akoako, fakasino, kae fakamaina. Mai i luga o te fakamatalaga tena ko maina ei a tatou i te vaega fesoasoani tela ne fakavae ki ei a te tukumaiga o te Agaga Tapu ke ola mafuta fakatasi mo tatou. I te Feagaiga Mua ne maua ne tino i ei a te fesoasoani o te Agaga o te Atua (Tapu): I tala o Famasino, Tupu mo Pelofeta ko te Agaga o te Atua ne fai mo auala o te malosi o te Atua, tona fakatasi atu i tusaga mo galuega taua katoa kola ne fai ne latou kona. A takitaki o Isalaelu mai ia Mose, Iosua, te kau Famasino, Samuelu, Tavita, Solomonu ke oko foki loa ki te Tavini a te Aliki ia Isaia e 42 – ne maua ne latou te poto mo te atamai, te malosi mo meaalofo kese'kese mai i te Agaga o te Atua; ne fai'pati ei a latou mo te malosi mo te pule (1Sam 10:9-13).

I te Feagaiga Fou a te Agaga Tapu i te olaga o Iesu (Mat.3:16; Male.1:10; Luk.3:22; Luk.4:18; Ioa.1:32; Gal.10:38) tela ko te malosi katoatoa tena ne galue i ei a ia o talai te Tala 'Lei. Ne fakailoa ne Iesu me kafai ko fano a Ia, ka uga mai ne Ia a te fesoasoani ko te Agaga Tapu (Gal.2), ke fakamalosi ne Ia a latou o talai a te Tala 'Lei (Gal.1:8); ko te Faiakoga faka-te-agaga o latou (Nem.9:20; Luk.12:12; Ioa.14:26; 1Koli.2:13; 1Ioa.2:27); ko tou Takitaki faka-te-agaga: ki te muna tonu (Ioa.16:13); e fakatonu ne Ia a tou gasuesuega (Gal.10:19); fakatonu ne Ia te filiga o takitaki (Gal.13:2); fakatonu te koga e tau o galue i ei (Gal 16:6). A fuataga o te Agaga Tapu ko meaalofo mo fesoasoani ki tino

tali'tonu mo fakavae te olaga talitonu mo te tavini atu (Kal.5:22-23) *Ka ko fua o te Agaga ko te alofa, te fiafia, te filemu, te kufaki, te mataalofa, te lej, te fakamaoni, te loto malalo, mo te loto pulea* (Efe.5:9; Iak.3:17).

Mea a'koga mo Fakamaina te mataupu

Fakamaina te tulaga o te tamaliki manafai e fesoasoani ki tena tamana

Fakatomuaga

Kai iloa ake loa ne koulua fanau me isi se fesoasoani ne tuku mai nete Atua ke moa koe e fai agasala

Akoakoga

A te Agaga Tapu ko tou fesoasoani tela e ola mafuta mo tatou i taimi katoa, a ko Ia ko tou faiakoga faka-te-agaga tela e akoako mai ne ia a akoakoga a Iesu; ko tou takitaki faka-te-agaga e takitaki ne ia a tatou ki te munatonu.

Fuaiupu Tauloto: Au e talitonu ki te Agaga Tapu, ko te Atua e iloa, ko tou fakatapuga, ko te sui o Iesu, ko te meaalofa tela ne oko mai i te Aso Penetekoso, tela ko tou fesoasoani i aso katoa.

Pese: Fili mai te tusi pese

Talosaga

Fakafetai te Aliko mote Agagatapu tela ko ia te fesoasoani ne tuku mai ne koe ke fesoasoani ki omotou vaivaiga.

VAEGA 4: TE EKALIESIA

ULUTALA 21: Te Ekalesia

Pogai:

Ke fesoasoani ki tama'liki me i te Ekalesia Kelisiano Tuvalu e talitonu ki te Ekalesia tapu e tasi a te Atua, tela e aofia i ei a fenua katoa.

Te Talitonuga:

Au e talitonu ki *te Ekalesia tapu e tasi, tela e aofia i ei a fenua katoa*, ko te Ekalesia faka-Apositolo, mo te mafutaga a te Kau Tapu. Au e talitonu ki te Malo e tasi o te Atua; te Papatisoga e tasi; te 'Kaiga Tapu e tasi; te Tusi Tapu e tasi—ko te Muna a te Atua: te fakamagaloga o agasala; te

Ola faka-te-agaga; mo te ola e se gata mai.

Fakatokaga mo Faiakoga:

A te Ekalesia Kelisiano Tuvalu e talitonu ki te "Ekalesia Tapu e Tasi tela e aofia i ei a Fenua katoa." Te Ekalesia 'ko tino o Iesu' (church) io me se lukuga io me se fakapotopotoga o tino (*ekalesia*). Te Ekalesia ko te (a) 'Kaiga o te Atua (Teu 14: 2; Isa 63: 16; Hos 1: 11; Ioa 1: 12; 2 Koli 6: 18; Kal 4: 5-6). (e) te Foitino o Iesu (Lom12: 5; 1Koli 12, 27; Efe 1: 23, 4: 12; Kol 1: 24, 2: 19. (i) te Lafu Mamoe a te Aliko (Mat 26: 31; Ioa 10: 15).

Te Aso Penetekoso ko te aso fanau o te Ekalesia ne fakamailoga ki te ulufia ne te Agaga Tapu a Apositolo, mo nisi soko mo tino kola ne tali'tonu kae 'fuli mai ki te folafolaga a te kau Apositolo. Ne fakamalosigina i kona te olaga mafuta o tino tali'tonu ki a Iesu kae papatiso a latou i te igoa o te Tamana, te Tama mo te Agaga Tapu; ne fakamalosi ne latou a akoakoga a te kau Apositolo; te 'Kaiga a te Aliko mo te mafuta fakatasi mo Apositolo.

Te muna tapu e pau mo te muna Samoa tela ko te '*malu* kae ne 'fuli mai i te muna Peletania ko te *holy* tela se tulaga e lavea i ei te masinasina, te katoatoa mo te fakaaloaloga. Te tapu o te Atua e fakamatalagina faka'lei ne tusi konei: Eso 15: 11; 1Sam 6: 20; Sal 99: 9; Isa 6: 3-8; Ese 39: 7; Sap 1: 13. Te uiga o te *tasi* i te vaega tenei o te talitonuga e fakauiga ki te tasi ia Iesu tela ko te Aliko mo te Fakaola tokotasi o tino katoa kola e tali'tonu kae fakatuanaki ki a Ia (Gal 2:38; Lom 15:5-6; 1Kol 8:6; Kal 3:28; Efe 2:20; 1Pet 2:5; 1Ioa 3:23).

Mea Akoga mo fakamaina te mataupu:

Ata o faletapu i loto i te Tuvalu

Ata o misionale takutakua i Tuvalu mo te Pasefika

Fakatomuaga:

Fesili ki tama'liki me iloa ne latou te aofaki o vaega lotu i te fenua; pela foki mo igoa o katoa o faifeau kola ne ga'lue i te fenua?

Akoakoga:

Te Ekalesia ko te Foitino lavea o Iesu; e se gata i ei, e akoako i ei a